


U MWENELUYUNGU ABRĀHĀMU

 Buku gwa Bwandilo kangi, untu gwa 22, ukwanda pa linandi lya 15, kangi uswe tukugūlila lilino itolo ukuyoba pa kabalilo kanini nukwanda ulukomano. Bwandilo 22, ukwanda pa linandi lya 15.

Kangi u gwandumi gwa NTWA alinkubilikila kwa Abraham ukufuma ku mwanya akabubili,

Kangi alinkuti, Panimwene une mfingile, ikuti u NTWA panongwa yakuti ugwe ubombile ikindu iki, kangi ugwe ukabanilila umwanundumiana gwako, umwanundumiana gwako mwene:

Ukuti ndusayo Une nisakukusaya ugwe, kangi mu kubala une nisakubasania u luyungu lwako ukuya ndondwa sya kumwanya, kangi bo misānga igi gili pa kiloboko kya sumbi; kangi u luyungu lwako lwisakupoka ifipata fya ndugu gwake;

Kangi nduyungu lwako ifikolo fyosa nkisu fisakusayigwaga; panongwa yakuti ugwe upilikile ilisyu langu.

² Lo lufingo luki, panongwa ya kupilikila! Lupilikilo lo ulu Kyala ikulonda. Ulwene akabalilo kamo ulwene luyobigwe, “Ulupilikilo lununupo ukukinda ilikemo.” Ukupilikila u Ntwa kununupo ukukinda i likemo lililyosa ili ugwe gwābagile ukubomba.

³ Uswe tukuketesania lilino ilisimbo likuyoba, ikilo iki, *U Mweneluyungu Abrāhāmu*, uyu akoleligwe “tata gwa Lwitiko,” panongwa yakuti Kyala ātēndike umwēne ulufingo ukwīngil’ikilīngo i kīsu, nu Luyūngu lwāke. Kangi ikyēne kyo ukwisila mwa Abrāhāmu uswe, ukuya bafwe mwa Kristi, tukuyaga Luyungu lwa Abraham kangi tuli bingilakilingo nu Mwene ukufwana nu lufingo.

⁴ Lilino, Abrāhāmu āli mūndu itolo gwāpalipōsa, akāli kindukimo ikyāpasima. Kyala akālinkolīle umwēne siku, na mūmo uswe tulinasyo ilisīmbe lililyōsa, mpaka umwēne āli fyīnja malongo-mahano-na-mabili-na-fihano mbukusi. Unkasi gwāke, uyu āli sinda ndūmbu gwāke, ukuya fyīnja malongo-ntāndātu-na-fihano mbukusi pa kabalilo kala, abēne lumo bāli nu būmi palikimo ukufuma pāpo abēne bāli bakeke fiyo. Kangi umwēne āli kyūmba, kangi akāli na bāna mma. Kyala ākōlīle ulupāgūlanio lōsa, ukwipāgūla mwēne ukufuma ku kīsu kyōsa ikyakusyāla, kangi ukufuma bōsa ba bāndu bāke, kangi ukufuma ku bōsa ba bakamu bāke. Kyālīpo i kindu kyāpasima kuli umwene ukubōmba.

⁵ Kangi akabalilo kâko Kyala ikugûlila ugwe ukubômba i kîndu kyâpasima, Umwêne ikulônda ulupâgulanio lôsa ukufuma ku bwîlâmwe bulibôsa. Ugwe kufimbilisigwa ukwîsa ku lupilikilo lôsa, ukupilikila iki Umwêne ikuyoba. Kyala ikulônda icyêne. Ugwe ukabagila ukubômba icyêne injila nayimo iyîngi yiliyôsa. Kangi, lilino, Umwêne akabalilo kôsa ikubîka ikyakwêgeléla, kangi kila kyâli kyakwêgeléla Kyâke, ulwa lupâgulanio lôsa ukufuma ku kikolo kyâke kyôsa, bosa ba luko lwake, na fyosa bo ifyo, ukwenda ubumi ubwakupaguligwa kwa Kyala.

⁶ Ifyînja filinkukînda, nakimo kyâbonike, lôli pôpe Abrâhâm âkolelile ukukîndilila. Umwêne akâsulumanisigwe mma. “Umwene akapelwikemo siku ku fingo sya Kyala ukwisila mu kusitakwitika, loli ali gwamaka, ikupa ulutufyo kwa Kyala.”

⁷ Ikyînja ni kyînja, bo icyêne kyâbûkâga ukukîsània, kisita kwîlâmwa abalindabusobi bîngi bâlisile pala nu kuyoba, “Abrâhâmu, tâta gwa fîsu, ngimba bana balinga aba uli nabo lilino?” Ikyo kikâli mpepelwîsye umwêne. Nayumo u mwâna, kangi Sarah âkîndile akabalilo ka bûmi, ubwakupâpa abâna, ena, kubutali ukukînda ubungolombe, loli pôpe Abrâhâm âlitîke Kyala itolo mulamula. Umwêne âtêndike ulwitêndekesyo kuli u bônda, panongwa yakuti umwêne âmênje kangi âsôngigwe lôsa ukuti Kyala âkâbagile ukutêndeka u lufingo ulu Umwêne akâli nywâmu ukufwâna ukutûla lôsa.

⁸ Uluyungu Lwake lubagisenie ukwinogona ikindu kilakila. Kisitakupasya mûmo kisitakyânalôli icyêne kikubonekela, mûmo kisitakipeligwa icyêne kikubonekela ku lînogonelo îlyakipeligwa, pôpe Kyala akabagila ukutêndeka u lufingo ulu Umwêne akaya nywâmu ukufwâna ukupâkîsya. Uswe tukwitika kila ikindu kilakila umwîsyugu. I Mbeyu yiliyosa iya Abrâhâmu yikwitika ikindu kilakila. Kali fyo fiki ifyakutusyûngitila tulimo, bo bumanyi bwîngi buki uswe tulûndike, fiyo filînga ifîndu ifi fibonike, mûmo kisitakipeligwa icyêne kiyîlile ku lînogono lyakipeligwa, mumo icyene kiyîlile ubutoyofu, ndigi, ku linogono lyakipeligwa, icyene kitikukindana napanandi. Linga Kyala ayobile lulo, ikyo kyo kyene. Kangi u Luyungu lwa Abraham lusêngeme pa ISI SYO IKUTI U NTWA. Ikyo kikumasya isyene.

⁹ Uswe tukusyâgânia, ku fyînja malongo-mabili-na-fihano pankyêni, nabamo a bâna. Kangi pôpe Kyala âli nsubiligwa ukukyunga u lufingo Lwâke kwa Abraham, kabuno Abraham âlitîke Kyala. Undumiana unnini alinkwisa pa buyo, unnini Isaka.

¹⁰ Polelo ukufuma pâpo unnini Isaka âlîsile pa buyo, polelo uswe tukusyâgânia ukuti Kyala âlimpêle umwêne ulugelo lwapabili. Umwene alinkuti, “U mwâna uyu...” Ukufuma ukuya lilino ukufwana ifyînja mia yumo na kalongo-na-

fihamo mbukusi, pamo malongo-mabili, Abraham āli. Umwene alinkuti, “Une ngulonda ugwe ukwega iki, u mwanundumiana gwako mwene, kangi mpimba umwene ku kyamba iki Une ngukunangisyaga ugwe, kangi pala mpapo umwēne lōsa, pa kyāmba iki, ukuya likemo.” Mmasyu agāngi, onānga ubukēti bulibōsa ukuti umwēne āli nalo ulufingo lula lwayaga pakufwanikisigwa. Ikyo kyo kwega ifindu fyosa ifyakipeligwa.

¹¹ Kangi Abraham alinkuti, “Une nālimmwambilīle umwene ukuya yumo ukufuma ku bafwe. Kangi une nsongigwe mosa ukuti Umwene abagile ukunsusya umwene ukufuma ku bafwe.”

¹² Abo bo bāndu lilino u Luyūngu lwa Abraham, panongwa yakuti Umwēne atusyūsīsyē uswe ukufuma ku bafwe. Uswe twāli bafwe mu butulwanongwa ni ngilanio. Kangi Umwene Uyu abagile ukusanusya ilinogonelo lyangu, ukwāndula a minogono gangu, ukwāndula ubupeligwe bwāngu, ukwāndula une mōsa lōsa, Umwēne abagile ukubōmba bo mūmo Umwēne ikwikyēlēla. Kilikyosa iki Umwene ikuyoba, Une ngwitika ikyene kyo Bwanaloli, kangi u Luyungu lulilosa lwa Abraham bikwitika ikindu kilakila.

¹³ Abraham, kisitakuya nsitakupilikila kwa Kyala, ālyēgile undumiana unnini yula. Kangi pa lubunju ulu, ābabūlile ababombi, “Umwē guulila apa ni mbūnda. Kangi u mwanundumiana na une tukubukaga kula ukwakummwiputa, kangi umwene na une twisakugomokelaga.” O, ngimba umwene ikubombaga bulebule ikyene? Akabalilo kāko umwene ikufyuka pa mwanya pa kyamba, ukwega u bumi bwa mwanundumiana gwake mwene, pōpe umwēne ikuyoba, “U mwānike, u ndumiana na une twisakugomokela.” Umwēne āmenye ukuti ikindukimo kyābagile ukuboneka. Kangi umwēne akāmenye itolo mūmo Kyala ayaga pakubōmbēla ikyēne; ilyo likaya lilālūsyo lyāke mma. Umwēne amēnye ukuti Kyala āfingile ikyēne.

¹⁴ Ikyo kyo kyōsa uswe tukupasya ukumanya, Kyala āfingile ikyene! Ngimba ikyene kikyuyaga bulebule? Une ngabagila ukukubula ugwe. Loli Kyala āyobile lulo! Umwēne isakutuma Yeso Kristi, akabalilo ka kibili, Umwēne isakwisāga mu bubūmbe bwamumbili. Umwēne isakupoka Abāke Mwēne. Kwisakuyapo ifyīnja elifu yumoywene, ukulagila bwa fyīnj’elifu pa kisu iki, nu Mwēne, na batabuligwe. Ikyo kyo iki Umwene āfingile, kangi uswe tukulondalonda isala yila ukusegelela.

¹⁵ Umwene aafingile ukubumbulusya ababine, ukusyusya abafwe, ukukaga imisyētano. Umwene afingile ukubomba ikyene. Umwene yo yuyo mmayolo, umusyugu na bwilanabwila. Bulebule? Une ngamanya. Umwene afingile ukubomba sisisi! Uswe tukwitika isyene; isyo sikumasya isyene. Akabalilo kako umundu ikwitika Kyala, umwene ikwitika fyosa Umwene ikuyoba.

16 Kangi iyo yo njila iyi Abrahamu alimmwitike Kyala. Lilino ālalusigwe ukōnanga ubukēti bulibōsa ubu ulufingo Lwāke lwābagile ukupākikisigwa, lōli umwēne āsōngigwe ukuti Kyala ābagile ukubōmba ikyēne.

17 Lilino, himma itolo fikuti Umwēne āpāga ulufingo ulukulumba ulu, Umwēne āpāga ikyēne ku Luyūngu lwāke, lōpe. Kangi panongwa yakuti Abraham aali nsubiligwa, kangi alinkumilisya i—i Lisyu lya Kyala ili Kyala aafingile ku mwene, kangi āménye ukuti Kyala ābagile ukunsyusya u mwāna uyu. Kangi umwēne akāpayile umwanike gwāke mwēne mma; lōli (Kyala) āli kyākwimilila kya Kyala ukupa u Mwanundumiana Gwāke, ena; bo umwēne ikupimba imbabu pamwanya pa kyāmba, na fyōsa bo ifyo; bo Kristi pankyēni āpimbile ulubabu lwa likemo Lyāke Mwēne, pamwanya pa kām̄ba, kūko Umwēne akōmeligwe.

18 Uswe tukusyagania ukuti mu iki, mu kubomba iki, ikyēne kyālinkyēlile Kyala kanunu fiyo ukukēta ukuti Abraham ālinganile Umwēne pamwanya pa kilikyosa pa kīsu, yōpe nu mwanundumiana gwāke mwēne. Umwene ālinganile Umwene pamwanya pa iki aligwesa ābagile ukuyoba, aligwesa ābagile ukubomba, umwene pōpe ālinganile Kyala ukufwana ukwitika i Lisyu Lyāke.

19 Lōsa u Luyūngu lwa Abrāhāmu lukwītika Kyala bo lula. Abene bikwitika Kyala. Kangi uswe tumenye ukuti ikyene kyaalinkyelile Kyala kanunu fiyo mpaka apa kilipo iki Umwene aayobile, “Uluyungu Lwako lwisakupoka ifipata fya ndugu gwake. Uluyungu Lwako lwisakupoka ifipata fya ndugu gwāke.” Kumbukilaga, ikyo kyo ISI SYO IKUTI U NTWA. Uluyungu lwa Abrahamu lukwitika ikyo. Linga ugwe uli Luyungu lwa Abrahamu ulwabwanaloli, ulwitiko ulu Abrahamu ali nalo mwa Kyala, ulwene luli mwa ugwe. Kangi ugwe kwitika ukuti iki Kyala ayobile, Kyala ikwima nu lufingo Lwāke.

20 Kangi Umwene alinkuyoba ikyene, lilino kumbukilaga, Umwene afingile ulufingo ulu kwa Abrahamu ukufuma papo Umwene alimpele umwene ulugelo. U Luyungu lwa Abraham lukufimbilisigwa ukugeligwa tasi, ukuketa linga abene naloliloli bikwitika i Lisyu. Kumbukilaga, injila yene iyi umwene aabagile ukukyunga ulufingo lwa Kyala, panongwa yakuti umwene ālitike ulufingo lwa Kyala, kangi aageligwe ukuti kali umwene alitike Ikyene pamo mma.

21 Uswe tukutwaligwa ku lugelo lula. U Luyungu lwa Abrahamu, umwisyugu, lutwāligwe ku lugelo lula. Ngimba uswe tukwegaga i Lisyu lya Kyala, pamo uswe tukwega iki umūndu aayobile ukufwana ni Kyene? Ngimba uswe tukwegaga iki ikipāngānio kimo kyātīle ukuya kimanyisyo, nukwitikisya ikyo, pamo ngimba uswe tukwega iki Kyala aayobile? Linga i Lisyu lya Kyala lya lyabwanaloli, uswe tukwitika i Lisyu lya Kyala,

kisitakupasya iki kalikosa akangi kali. Uswe tukummwitikisya i lisyu lya mundu lililyosa liyege butungulu, kangi u ilya Kyala liyege Bwanaloli. U Luyungu ulwabwanaloli ulwa Abraham! Loli bo ugwe ukāli ukuya Luyungu ulwabwanaloli, ugwe kufimbilisigwa ukubuka ukukinda mu lugelo, bo yu Abraham ābōmbile, mwene. Umwēne āfīngile komma kwēne kwa Abraham, lōli u Luyūngu lwāke lwisakupoka ifipata fya balugu. O, mwe!

²² Inogona itolo, u mweneluyungu uyu āsōngigwe mosa mu kyene, mu lugelo lwake lwa lufingo lwa Lisyu lya Kyala, āli ntalusye. Kisitakupāsyā isya ifi fyāli fyākusyūngutīla, umwēne pōpe ālitike i Lisyu lyāli litalusye. U Abrāhāmu, u mweneluyūngu unkulumba, akayētilēmo siku mu lwitiko, akabalilo kāko umwēne ātwāligwe ku kabalilo ka ngelo aka. Umwene aalitike ukuti Kyala abagile ukunsyusya umwene ku bafwe. Umwene aalitike ikylene, panongwa yakuti Kyala aafingile ulufingo. Kangi akabalilo kāko Kyala āfingile ulufingo ukuti umwene ikuyaga “tāta gwa fikolo,” kangi umwene alinkwitika ukuti ikyo kyāli momumo. Umwene akāmenye mumo ikylene kikuyilaga. Akabalilo kāko u mwāna ikwisa, ukufuma pāpo umwēne āsūbile, ifyīnja malongo-mabili-nafihano, polelo āsūmigwe ukōnanga umwāna yula, umwene pōpe amenye ukuti ulufingo lwa Kyala lwāli lwabwanaloli, kangi umwene alinkumpa umwanundumyana gwake.

²³ Uluyungu Lwake, ikindu kilakila! Ulufingo lwa Kyala lo fūngilo, ku bala bābo ba Luyungu lwa Abrāhāmu. U lufīngi lo fūngilo, ubukēti ubusisimikisigwe. Kangi akabalilo kako uswe tukwitika i Lisyu lililyosa ilifingigwe, polelo ifungilo yikupigwa kwa uswe, ukusisimikisya ulufingo. Muketile, linga uswe—linga uswe, ukuya Luyungu lwa Abraham, uswe ukukindamo u lugelo kali uswe tukwitikaga i Libangeli, pamo mma, i Bāngēli lyo Lisyu lya Kyala, panongwa yakuti Ilyēne lyo Kyala, kangi polelo ukufuma pāpo ugwe gwābūkile ukukinda mu lugelo, u kwitika.

²⁴ Akabalilo kako bamo mwa bene bikuyoba, “Amasiku ga fika gakindile,” linga ugwe kwitikisya ikyo, ikyo kyo kikindane ku Lisyu.

²⁵ Linga ugwe kuyoba, “Ugwe utikwāmbilila u Mbepo Mwikemo, umwisyugu. Kikayapo ni kindu nakimo. Itolo abatumigwa kalongo na babili bālyāmbilīle Ikyene.”

²⁶ I Lisyu lyāyobile, Peteri ikulumbilila Ilyene pa Lisiku lya Pentekosti, umwene alinkuti, “Pinduka, aligwesa gwa umwe, kangi yaga bōsigwe mu Ngamu ya Yeso Kristi ku busyūle bwa butulwanongwa, kangi ugwe kwisa kwambililaga ikyabupi kya Mbepo Mwikemo. Kabuno ulufingo luli kwa umwe, kangi ku bāna binu, kangi ku bene aba bali kubutali, kangi na bubwingi bwa babo Untwa Kyala gwitu isakubakolelaga.”

27 Ikyo kyo katikati itolo iki Ikyene kikusanusya. Ikyēne kyo, lilino linga ugwe gwītēndekīsyē ukwēga ulugelo, ulwa lugelo lwa Kyala lwa asiki, nu kukōnga ululagilo-lwa-nkota lula, une ngubabula umwe, umwe mwisakusyaagania ukuti Kyala ikukyūnga i Lisyu Lyake, linga umwe mukwitika Ilyene. Uko ko kutalusya. Lōli ugwe kufimbilisigwa ukukīndamo ikyo, panongwa yakuti iyo yo fūngilo; akabalilo kāko ugwe ubagile ukwāmbilila Ilyēne, polelo ugwe kwisakwāmbilila ulufingo. Panongwa yakuti, Ulwene lo bulagili bwa Kyala, injila iyi uswe tukufimbilisigwa ukubomba ikyene, kangī iyo yo njila uswe tukufimbilisigwa ukukonga Ilyene, itolo iki Umwene āyobile. Lilino komma itolo kwa yumo, loli “aligwesa,” aligwesa uyu ikwitika, uyu ikupīndūka, aligwesa uyu ikwitika. Ikyēne kyo ku ngulilo syōsa, ku bāndu bōsa, aligwesa uyu ikulonda ukwitika Ilyēne. Kangī ulwitiko mu Lisyu lya Kyala lukukutwala ugwe ku lufingo ulu. Pala, kangī po pene pala, ugwe ubagile ukuya na maka ukupoka ifūngilo lya lufingo.

28 Kangī u lufingo ulu uswe tukwāmbilila, ifungilo, lo lōsyo lwa Mbepo Mwikemo. Uko ko kutalusya. Kabuno uyo yo Kyala mbubumbigwe bwa Mbepo, ugwe ukuya Lisyu Lyake mwa ugwe, polelo Umwene ikwisamo. Linga ugwe kwāmbilila i Lisyu mwa ugwe, u Mbepo Mwikemo yo kindu kyene iki kibagile ukupela Ikyo ukuya nu bumi, kangī polelo ugwe uli nu lufingo lwa kupoka ikipata kya ndugu aligwesa uyu ikugela ukukusiganila ugwe. Uko ko kutalusya. Kyala āfingile ikyene, kangī ikyene kyo lūlo.

29 Lilino, kumbukilaga, ugwe ubagile ukubōmba ikyēne akabalilo kala, kangī akabalilo kala kēne, ukufuma pakuya ngelìgwe ni Lisyu.

30 Abraham aageligwe ni Lisyu. “Ngimba ugwe kwitikaga, Abraham, ukuti ugwe kuyaga nu mwanundumiana?”

“Ena.”

31 U mwanundumiana ikwisa. “Lilino mōnanga umwene. Ngimba ugwe ukāli kwitika ikyene, Abraham?”

32 “Une ngwitika ikyene, pōpe, kabuno Ugwe ubagile ukunsusya umwene ku bafwe.”

33 Kangī ukufuma apo, Umwene alinkuti, “Lilino, u Luyungu lwako lwisakupoka ikipata kya ndugu.” Amenī! Ukufuma pala u lugelo lukwīsa!

34 Unko uswe tukētésyē pa simo mwa mbeyu sya Abraham, mu mbeyu isyakipeligwa. Isi, uswe tuli umwisyugu Imbeyu yamwambepo. Lōli unko uswe tusyāgānie, ukwisila mu mbeyu yakipeligwa, isya bamo mwa bēne aba bālītike mu lufingo lōsa lwa Kyala, kangī nasiku ukulālu-...[Ubuyo busitakandu pa tepi—Nsimbi]

35 Une nāyobile, “Mwa pasima, ngimba nongwa yiliku u ndīndwāna gwa Kikristi ikulōnda ukunāngisya i myēnda ya kūsi? Une ngabagila ukupilikisya ikyo.”

36 Ugwe upāpigwe kabubili, mwa Kyala, ugwe uli nabo ubumogi bwa Mbepo Mwikemo ukunangisya ikyo iki ugwe guli. Ugwe guli, ugwe uli nasyo i fimbilisyo isi imyēnda igyakuywēlūla igi gikaya nafyo, uko ko kutalusya, unkīkūlu ugwanalōli ugwa Kyala, uyu ikwīma pabwēlu ni fimbilisyo, ugwe ubagile ukusekigwa, nu kukōleligwa gwa njila syaiyolo; lōli ugwe ulinakyo ikindukimo iki abēne bakabagila ukupalamasya, kangī batalile batāgile ikyēne kangī nasiku bakabagila ukuya nakyo ikyēne kangī. Uko ko kutalusya. Ugwe uli nu lwifimbilisyo. Ikyo kyo iki Kyala ikulondesya, lo lwifimbilisyo. Muketile?

37 Lōli ikindu kyākwānda, linga lilipo ililālūsyo mu linogonelo lyāko, komma ugwe ukubōmba ikyēne napanandi. Komma ugwe ukwisa mu lukindi lwa lwiputo linga lilipo ililalusyo mminogono ginu. Komma ugwe ukwisa pene papo ugwe lōsa kwitika ikyene, nulutitimikisyo, lukayapo ni liyiga mu līnogonelo lyāko, na panandi, lōli iki ugwe kuyaga pakubūmbulusigwa, polelo ugwe kwisakusōka panja pa kigemo iki u mundu unkafu. Uko ko kutalusya, akabalilo kāko likayapo ililālūsyo mu linogono lyāko, napanandi. Ugwe kufimbilisigwa ukwitika Kyala, komma ukwipela-kwitika. Naloliloli itikaga!

38 Kangi u Luyungu lwa Abraham lukwitika ikyene panongwa yakuti i Lisyu liyobile lulalula, kangī fyōbēne uswe tukwitika ikyene. Komma panongwa yakuti umunduyumo alōndisy’ubusobi, panongwa yakuti umunduyumo uyūngi āyobile lūlo. Panongwa yakuti Kyala āyobile lūlo, ikyo kuyupela ikyēne u Bwānalōli. Akabalilo kāko Kyala ikuyoba ikyēne, ikyo kikutumula amalālūsyo gōsa. Umwēne yo lisyu lyābumalikisyo. Umwēne yo bumalikisyo. Akabalilo kako Kyala ikuyoba kalikosa, ikyo kikumasya ikyene. Kikayapo nakimo ikingi iki kibagile ukuyoba ukulwana ni Kyene. “Lisyu lya mundu lililyosa liyege butungulu, kangī i Lyangu liyege Bwanaloli.”

39 Lilino bo uswe tukukētēsya simo mwa mbeyu isi, unko uswe twīnogōne. Uswe tukwinogona isya bana ba kiHiburi, une ndi apa, ukwinogona isya ikyo, pa bana ba kiHiburi, ukufuma pāpo abēne bāgelīgwe ukulwana nu kwīpūta ikifwani. Lilino, umwe mukukumbukila, u mwalafyale āyobīle, “Aligwesa atisakwinama pāsi ku kifwana iki, isakusōpīgwa mu ng’anjo ya moto.” Lilino, a bāna aba bālītike ukuti i Lisyu lya Kyala lyāli litalusye, ukuti abene batikwiputa uluko lulilosa lwa kifwani, loli akabalilo kako abene bikwisa ku bubonesyo kangī abene bageligwe kali abene babagile.

40 Akabalilo kāko, bōsa abāngi ba bāna pāsi pala bālyāmbilīle nukubūka ku bwīpūti, abēne bābūkile itolo nkyēni mu njila

mwalafyāle āyobile. Abēne bābūkile ni līnogono ilifumuke ilya lisiku lila, ukuti abēne bikufimbilisigwa ukubōmba ikyēne.

⁴¹ Kangi akabalilo kāko abēne bāgelīgwe, kali abēne bābagile ukwīpūta nukubongotola i Lisyu lya Kyala, abene basyele babwanaloli ku Lisyu. Kisitakupasya isya kusyungutila, abene baliimile mbwanaloli ku Lisyu. Kangi akabalilo kako abene bābasopile abene mu ng'anjo ya moto, ulufingo lwa Kyala lwafwanikisigwe. Abene balinkupoka ifipata fya ndugu. Kangi ālipo u Nnyāmbala gwakina imile nkati mula, ni fūngulilo iyi yāfūngulāga ubokye ukufuma ku moto, kangi ikyēne kikabagila ukubōmba nakimo lōli ukubābūla abēne bābuke. Ameni.

⁴² Akabalilo kako unnyambala pamo unkikulu itendekisye ukwegu ulugelo, ulugelo lwa asiki!

⁴³ Umwe muketile, abene bafimbilisigwaga ukubuka mu moto. Kangi polelo akabalilo kako abene bābombile, abene bāli mu moto, kangi ikīndu kyēne iki kyābonike pa buyo, ulugelo lwamoto ulu lwāfungwile itolo, lwālyēgile i—i mbingo ukufuma mmabōko gābo.

⁴⁴ Utubalilo twingi, Kyala ikutwītikisya uswe, akabalilo kako uswe tukuyaga mosa tupinyīgwe ni kisu, ukupinyigwa mōsa, Umwene ikwītikisya ingelo syamoto ukwīsa pa uswe, kūko uswe tukufimbilisigwa ukutendeka ulusalō. Kangi akabalilo kako uswe tukubomba ikyo, ikīndu kyene iki kibagile ukubomba, akabalilo kāko u Luyungu lwa Abrāhāmu ulwanaloli lukwīma ku i—i bukilanie misebwe bwa līnogōno, kangi umwēne ikupela i līnogōno lyāke ukumbōmbēla Kyala, ulwēne lubagile itolo ukutumula i mbīngo ukwābūka nu kutupela uswe bābūke. Sētāno abagile ukukupu ugwe i mbūngo. Umwēne abagile ukukupu ugwe ikīndu kimo, ikīngi. Ngimba ugwe kumanya bulebule ikyēne kikaya Kyala akubīkile ugwe pa ngilanio sya misebwe, ukukēta lo luko luki ulwa i—i—i līnogōno ugwe kwisakutēndēka?

⁴⁵ Abene baapokile ikipata kya moto. Umoto gukaabagile ukōkya abene. Kukālipo nu kunūnga kwa moto pa bēne, panongwa yakuti abēne bāmenye ukuti abēne bāli Luyungu lwa Abraham, kangi abēne bālimile kuli Kyala ni Lisyu Lyāke. Abene baapokile i—i fipata fya ndugu, kangi u moto gwātologwaga ukubōkya abene, panongwa yakuti abene bapokile ifipata.

⁴⁶ Kunkyeni, ālipo unnyāmbāla, unsololi pāsi pala, ni ngamu ya Danieli. Umwene ābagile...ali nu lugelo kali umwene abagile ukumbombela Kyala yumoywene ugwabwanaloli, pamo umma. Kangi akabalilo kāko ikyēne kikwīsa ku kabalilo kala, kali umwēne ikubōmbēla u Kyala yumo ugwabwanaloli, pamo ukummwīpūta u kyala ugwapanja, umwēne alinkukāna ukubōmba ikyēne; kangi alinkutāga lōsa ifyakusiga, kangi alinkwīpūta kwa Kyala gwāke, ilisiku lililyōsa. Kangi umwēne alinkwegigwa kuli kila, nu lufūndo lwa ndagilo sya kīsu, kangi

āsopígwe mu mbako ya ngalamu. Ikibugutila kya ngalamu sya njla silinkubuna pánja ukukōnga umwēne. Ngimba kyo fiki umwēne ābōmbile? Umwēne alinkupoka ikipata kya ndugu gwāke. I ngalamu silinkutoligwa ukumulya umwēne. Kyala alinkutuma pāsi i Mbanda ya Moto, u Gwāndúmi uyu ālímíle pakati pa mwēne ni ngalamu.

⁴⁷ Umwene āpokile ikipata kya ndugu, panongwa yakuti umwēne āgelígwe ukukēta ukuti kali umwēne abagíle ukummwípúta yumo Kyala ugwabwanalóli, pamo ukuya na bakyāla kalongo-na-babili aba umwēne ipūtilága. Polelo umwene alinkwima pa lugelo, kangi umwene alinkupoka ikipata kya ndugu. Ingalamu yilinkutoligwa nukumpalamasya umweene, panongwa yakuti Kyala aali numwene. Ulufingo lwa Kyala lwāsyele lwabwanaloli, kabuno umwene aali Luyungu lwabwanaloli ulwa Abrahamu.

⁴⁸ Mose, o, uyungi unkulumba yula. Umwene aageligwe, yope, ukuketa ulufingo ulu Kyala ālímpēle umwēne. “Une nguyaga na ugwe akabalilo kako ugwe kusuluka kula.” Kangi akabalilo kako umwene imege pankyeni pa bakwegelela ba kikūngilwa kyake, Yanesi na Yambresi bāgelíle ukwīma nu kwēgelēla ikindu kilakila iki Mōse ālagiligwaga ukubomba. Kangi Kyala alinkōlile umwēne, kangi umwene aamenye umwene aali yo yula uyu atumiigwe ukubomba iki, kangi umwēne ālímíle pala nubōmba ifika bo mūmo Kyala ālimbūlile umwēne ukubōmba ikyēne. Kangi apa bālimíle abēgeleli, ukubōmba ikīndu kilakila, lōli ikyēne kikālintamisye Mōse. Umwēne alinkwima gwabwanaloli ku Lisyu lya Kyala, kangi umwēne alinkupoka ifipata, ameni, ifya ndugu, panongwa yakuti umwene ālímíle gwabwanaloli ku lufingo lwa Kyala, kali yo ywani uyu āgelaga ukwegelela ikyene.

⁴⁹ Kyo kimanyisyo nki iki kili kwa Nkristi aligwesa! Akabalilo kako ugwe kukelengania nukuketa unsyobi, ugwe kumbukilaga itolo umwene ikugela ukwegelela akōmbo akanaloliloli. Lōli, ukuti itolo kikusanusya alipo yumo uyu yo gwabwanalōli. Ima gwabwanaloli ku Lisyu lya Kyala! Kali fiki fikwīsa pamo ukubūka, kyūnga ulufingo Lwāke. Ena, Danieli āsyéle gwabwanaloli ku Lisyu lya Kyala.

⁵⁰ Kali balinga bagelile bulebule ukwegelela umwene, kangi kilikyosa ikingi, umwene asyele gwabwanaloli. Kangi umwene isile pa lubīngililo lumo, ukusosya Israeli ukufuma ku Igupti, nukubēga abene nkisu ikifingigwe. Kangi akabalilo kako ikyene kikwisa akabalilo ka abene ukubuka nkisu ikifingigwe, ukufuma mu Igupto, pala yālimíle Inyanja Ifwāno mu njila. Kangi umwēne alinkupoka ifipata fya mīsi, kangi ifipata filikwīgūka. Kangi a— a misi gāgwíle ukugomokela, kangi Mōse ālyēgíle Israeli ndulangalanga, ku kyāmba kūko Kyala ālitumwíle umwēne ukubatwala abēne. Ameni. Umwene apokile ifipata fya ndugu.

⁵¹ Gwāke ugwise, Abraham, āli nu lufingo lula, ukuti u Luyungu lwāke ulwabwanalóli lwisakupoka ikipata kya ndugu. Kangi ifipata fya misi fyāligalígwe, kangi umwene alinkutoligwa ukufika ukukilania, kangi yila yāli njila ya mbombo. Umwene abagile ukutwala abana bala ku kyamba kila. Kyala alimbulile umwene lūlo. Kangi pala palinkwima ikipata mu njila, kangi umwene alinkupoka ikipata kya ndugu.

⁵² Yoshua, pankyēni panini, akabalilo kako abene bikwisa ku Kadash-baraneya, iki kyāli kikota kya bulongi bwa kisu akabalilo kala, pala Israeli ālyagéne nu bulongi bwake. Uswe tukummwaga Yoshua na Kalebu, na kalongo-nababili abangi. . . pamo—pamo kalongo abangi. Yumo ukufuma ku kikolo kilikyōsa ātumigwe ukwakutēndēla i kīsu abēne bālitēndekisyē ukwāmbilila.

⁵³ Kangi akabalilo kako abene bāgiketile imīndu gila gimile pala, kalongo mwa bene balinkwipilika nububibi fiyo, abene balinkuti, “Uswe tukabagila ukwega ikylene. Ikyene kyo kikulumba fiyo. Fiki, keta u bulugu ubu uswe tuli nabo.” Lōli akabalilo kāko abēne bikwīsa ukutwāla ukugomosya u bukēti, abēne bātwele u bukēti ububībi.

⁵⁴ Nongwa ya fiki abēne babagile ukutwāla ubukēti ububībi, linga Kyala ābabūlile abēne, “Une mbapéle umwe ikīsu kila; ikyēne kyo kyāko”? Umwene ābabulile abene pási mu Igupto, “Une mbapele umwe i kisu iki, ikylene kyo kisu ikinunu, ikylene kikwendelela nu lupyu nu lūki.”

⁵⁵ Loli akabalilo kako abene baketile ubulugu ubukulumba fiyo, kalongo mwa bene bikugomokela nukuti, “Uswe tukabagila ukubomba ikylene.”

⁵⁶ Umwēne āli Yoshua, umwēne ākībisyē abāndu, kangi alinkuti, “Uswe tuli bakīnda babagili ukupoka ikyēne. Uswe tukīndilēpo ukuya babagililile!” Panongwa ya fiki? Umwene ākētāga ulufingo. Umwene aali Luyungu ulwabwanaloli ulwa Abrahamu. Kisitakupasya isya iki ukulwana kwāli, “Uswe tubagile ukupoka ikipata, panongwa yakuti Kyala aafingile ikisu.” Kangi umwēne aapokile ikipata.

⁵⁷ Kunkyeni, akabalilo kako umwene ātwele abana ba Israeli kula ku kisoko. Pala palinkwima, mu mwesi gwa Epurelo, ikisōko ikikulumba, kikuyiga. U Yorodani ikwīsa ukusuluka ukufuma ku fyāmba, kangi umwēne ābalanilāga ukukilania ifikoga. Kābonekāga ukuya kabalilo akabibipo, nkyinja, ukuti umwene abagile ukuya kula. Loli, pópe, umwene āli Luyungu lwa Abraham. Umwene aamenye umwene aali nu lufingo, kangi umwene aali mu lukindi lwa mbombo. Kyala ālímpéle umwene i mboniboni, akabōmbélo ka ikylene, kangi umwene apokile ifipata fya kisōko. Akabalilo kāko ifipata fyāligwike, amīsi galinkugomokela kubutali pamwanya mfyāmba. Kangi Yoshua na Israeli aapokile ifipata fya ndugu, nukukilania nkisu

ikifingigwe, panongwa yakuti Kyala ābabulile abene ukubomba ikyene. Imbeyu Iyabwanaloli iya Abrahamu!

⁵⁸ Bakundwe na bakalumbu, akabalilo kāko umwene āfikile kula, Yeriko āli lōsa gwalupaso mmwanya, lwāmmwanya ukufwāna mpaka abēne bābagile ukubopesya amagileta gabwite matatu ukukilania pamwanya. Ngimba bulebule aba a baIsraeli bābagile ukubōmba ikyēne ni milūbo gyākwāsima, igyakusala itolo, na filifyōsa, kangī ni ngili na mabwe, ngimba abene bābukaga bulebule nkati mula? Loli umwene pōpe āli Luyungu lwa Abraham. Kyala ālīmpēle umwēne i mboniboni, ukumbula umwēne akabōmbelo kāke, alinkuti, “Kuba i ngangabwite.” Ameni. Ikyo kyo kyēne. “Sosya pānja ukulalata, ukukūya kubwa nkibūmba, ifipata fisakugwa pankyeni pa umwe.” Ameni! Umwene aali Luyungu Lwabunyafyale lwa Abraham, umwene aali mwitiki gwa Kyala ugwanaloliloli. “Ifipata fisakwisa pasi pankyeni pa umwe. Sōkaga itolo panja ukulalata, kangī kuba i ngangabwite. Ikyo kyo kyene iki ugwe kufimbilisigwa ukubomba.” Kangī ngimba fiki fyābonike? Ifipata filinkugwa pāsī, kangī Yoshua alinkwega a kāya.

⁵⁹ Pankyēni panandi, uswe tukusyāgānia ukuti u ndugu endendekāga nu kukīndilila, ukufuma pala, kangī pōpe umwene alinkwimika ni lisuba pa makato gake. Mumo une njobile ulubunju lumo pa *Kisitakupilikisigwa*, umwene alinkwimika ilisuba mpaka umwene āpokile ifipata fya ndugu. Ameni. Umwēne āmenye linga undugu ālisilēmo siku palikimo kāngī, abēne bābalanilene, kangī ilisuba līngilāga pāsī, kangī a baAmori, kangī a baAmaleki, na fyōsa bo ifyo, bābalanile mōsa, linga abene bābagile ukufika palikimo kangī, nukwisa palikimo, polelo umwene āngālī ikuyaga na kabalilo akakafu ukubasosyamo siku ukubasyūngutīla kangī. Kangī kyālipo ikindu kimokyēne ntiga iki kyākolelāga, kala kāli akabalilo, kangī umwēne ālīmīke akabalilo. Ameni! Ameni! Kilipo ikīndu kimokyēne kikunkyūnga umwēne ukufuma ku lufingo, lila lyālī lisuba, ikipeligwa kyēne ukukilania pala, kangī umwēne ālīmīke ikipeligwa. Fiki? Umwene aali Luyungu lwa Abrahamu. Umwene aalitike ulufingo lwa Kyala. Umwene alinkwima umwene, kangī alinkupoka ifipata. Ena, nkulumba.

⁶⁰ Unnyambala unkulumba uyu, bosa ba abene bo nnyambala unkulumba. Lōli umwe mumenye akabalilo kāko abēne, aligwesa gwa bēne, akabalilo kāko abēne bikwīsa ku kipata kya bufwe, abēne bōsa balinkufwa. Aligwesa gwa bēne āfimbilisigwe ukufwa. Panongwa yakuti abēne bālī mūndu unkulumba, “Abēne bālīmīke u—u ndomo gwa ngalamu, nukubopa umoto, kangī ulwembe lwa lūbo,” na fyosa bo ifyo, mumo uswe tubūligwe mu Bahiburi 11. Kangī abēne bapokile ifipata fya ndugu, bōsa lōli u ndugu yumoywēne, kangī bula bwālī bufwe. Ubufwe bulinkumila aligwesa gwa bēne.

⁶¹ Polelo i lisiku limo, ukwisa u Luyungu Lwabunyafyale

Iwa Abraham, Yeso Kristi, u Mwanundumiana gwa Kyala; u Luyungu Iwa Abraham, nu lwitiko. Komma ukwisila mwa Isaka, imbeyu yakipeligwa; abene baaboombile ikiyabo kyabo. Loli apa ikwisa Yumo Uyu akapaapigwe mma. Apa ikwisa Yumo uyu atikwisa ukwisila mu kinyonywo kya kugonana. Apa ikwisa Yumo ukwisila mu bupāpigwe bwa mfunde. U Mwanundumiana gwa Kyala, u Luyungu Iwa Abraham, yo Nnyambala unkulumba nki uyu āli! Abāngi abakipeligwa bāpāpigwe ubupāpigwa bwakipeligwa. Nnyāmbala Uyu āpāpigwe u bupāpigwe bwamfunde. Ngimba Umwēne ābōmbile fiki akabalilo kāko Umwēne ikwisa pa kisu? Umwene aaponjwile undugu aligwesa uyu Sétano alinayo. Umwene aaponjwile kilikyosa.

⁶² Ngimba Umwene aabombile fiki? Umwene ikwānda panja kangi Umwene aaponjwile ububine. Bukābagile ukuyapo nabumo ububine ukusyungutila Umwēne; kulikōsa ububine bwāli, Umwēne āpōnjwile ikyēne. Ngimba Umwēne ābōmbile fiki ukufuma Umwēne āpōnjwile ikyēne? Umwene atupele uswe ifungulilo, ameni, ikuyoba, “Kilikyosa iki umwe mukupinya pa kisu, une ngupinyaga Kumwanya.” O! Ameni! Ulo lo Luyungu Lwabunyafyale Iwa Abraham, ulufingo Lwake. U Mbepo Mwikemo mwa uswe lilino, ni fungulilo, sikukolelela ikyēne ku bubine. Umwene aaponjwile ububine. Ububine akabagila ukwima mu Kuyapo Kwake. Kangi Umwene alinkuyoba ukuti Umwene atupele uswe ifungulilo sya kubombela ikindu kilakila, ukuponjola ububine. “Kilikosya iki ugwe kupinya pa kisu, Une nisakupinyaga mMwanya.”

⁶³ Yōpe, ingelo, Umwēne āgeligwe mu njila yiliyōsa ngati uswe twāli. Ngimba Umwēne ābōmbile fiki? Umwēne āpōnjwile ikyēne. Kangi ngimba Umwene āyobile fiki kwa uswe? “Mpingaga u mōhēsi, kangi umwene isakubopaga ukufuma kwa ugwe.” Umwēne āpōnjwile ububine kuli uswe. Umwēne āpōnjwile ulupefyo kuli uswe, ābongotwile pāsi ifipata; alinkunyaka ifungililo ukufuma ku mpēsi, nukumpa iyēne ku mwīniti, ugwa Luyūngu Iwa Abrāhāmu, nukuyoba, “Linga umwēne ikukugela ugwe, mpinga umwēne, kangi umwēne isakubopaga ukufuma kwa ugwe.” O, mwe! Mpingaga umwene!

⁶⁴ Umwene aaponjwile fyosa-fibili ubufwe na gehena. Umwene āsyukile pisiku lyabutatu, ikuyoba, “Une mbonjwile. Kangi panongwa yakuti une ndi mumi, umwe mwe būmi numwe.” O, lo lufingo luki! Ikyo kyo ku Luyungu Iwa Abraham. Umwene aaponjwile ilipumba, asyukile ilisiku lwabutatu, ku bwītikisigwe bwitu. Akabalilo kako Umwene aasyukile, Umwene aali bwītikisigwe bwitu. Ngimba kyo fiki iki kikutupela uswe? Umwene aaponjwile ububine. Umwene aaponjwile ubufwe. Umwene aaponjwile gehena. Umwene aaponjwile ilipumba. Umwene aaponjwile ingelo. O!

⁶⁵ “Lilino uswe tukindile abaponjoli mwa Umwene uyu atuganile uswe, nukupa u bumi Bwake,” ukuya Luyungu

Lwabunyafyale Iwa Abraham. Nu Mbepo yulayula gwa Kyala mwa uswe, uyu aali mwa Umwene, uswe tuli bakinde abaponjoli. Ikipata kilikyosa kipōnjoligwe kuli uswe. Ikindu kyene iki uswe tukufimbilisigwa ukubomba ko kupoka ikyene. Ikyene kitalile kipōnjoligwe. Ububine bupōnjoligwe. Ubufwe bupōnjoligwe. Gehena apōnjoligwe. Iipumba lipōnjoligwe. Kilikyosa kiponjoligwe, kang'i uswe tukukola ifungulilo, mwa ipyana Lyake. Ngimba ugwe kuti la ukusomeka agēne mu fūngilo, nu kuyoba, "Une ngwisa mu Ngamu ya Yeso Kristi"? "Nsuma Tata kalikosa mu Ngamu Yangu." Une nunganile Umwene.

⁶⁶ Ukufuma i finyinja maelifu mabili fikindilepo, ifinyinja maelifu mabili, kang'i pōpe apa Umwene ali pakati pitu, u Mponjoli Gwamaka uyu ālepwile ikikīngo pabili, uyu ālyēgile ububine bulibōsa, imbungo yiliyōsa, kilikyōsa pa Mwēne, nu kupimba ubōnywa bwitu ku kipīngika, kang'i ububine bwitu ni mbungo syitu, nukupōnjōla pamwanya pa syene, nu kusyusigwa kuli ubwitikisigwe bwitu, kang'i ikwima mūmi ukufuma pa finyinja maelifu mabili, ukwibonesya Mwene ukuya Yeso Kristi gwabumi, pakati pa Luyungu Lwabunyafyale Iwa Abrāhāmu, aba bo bīngila-kilingo ba findu fyosa. O, mwe! Bala bābo bali ukufuma apo, bikukindilila pa lugelo, lufingo Iwa Lisyu! Linga ugwe ubagile ukwitika i Lisyu, polelo ugwe yugwe Luyungu Iwa Abraham. Umo mo mumo ugwe kwisa ku Kyene.

⁶⁷ Linga ugwe ukabagila ukwēga ulugelo Iwa Lisyu lula, polelo linga ugwe kwilāmwa Ilyēne, panini kisitakusūbila Ilyēme, ugwe ukabagila ukwītika Ilyēne kifuki, kilipo ikindukimo pamo ikingi, ugwe ukabagila ukwitika Ilyene, polelo komma ugwe ukwisa mu lukindi Iwa lwiputo. Une ngabagila nukuya nu kutoyoka ukusyungutila pa kigemo, mpaka ugwe ubagile ukuya ni lipyana ilyakufwana ukumanya ukuti i Lisyu Iya Kyala Iyo lyabwanaloli.

⁶⁸ Kang'i akabalilo kāko ugwe kamokene ku pōnjola ikikīngo kila kya busitakwītika, polelo ugwe uli ni fungulilo mmaboko gako, sya bufwe, gehena, ni lipumba, panongwa yakuti ugwe uli nayo u Mponjoli Uyu āponjolile ugwe. Polelo ugwe uli nayo Bahiburi 13:8, uyu ikutubula uswe, "Yeso Kristi yo yuyo mmayolo, umwisyugu, na bwilanabwila." Ngimba uswe tubagile ukubomba bulebule ikyene?

⁶⁹ Abandu umwisyugu bikuyoba, "O, ena, une ngukubulaga ugwe, Umwene ali mu—mu njila yimo, Umwene ali."

"Umwene yo yulayula," ili Bangeli liyobile.

"O, ena, Umwene atikubomba umwisyugu mumo Umwene ābombile."

⁷⁰ Uswe tukukyaga ikyene papapa lilino, akabalilo kako uswe tukukēta i Lisyu Lyake ilisisimikisigwe. Ngimba ikyene

kikubomba fiki? Ilyene likusōpa Ilyene ukugomokéla itolo mu lupagato lwabo kangi. Amení.

⁷¹ U lwānalòli u Luyungu lwa Abraham lukwitika Ilyene. Abene bamenye Ilyene. Kangi Umwene ikwima, ikilo iki, bo Umwene ālyāgéne na Abraham pamwanya pala mmasiku ga Loti nukubomba ikika kila, mumo Umwene aabombile ukwisila mu kumbula Sarah iki umwene aayobile kunyuma kwa Mwene. Yeso aafingile, u Luyungu Lwabunyafyale lwa Abraham, ukuti i Kipanga kikuketaga ikindu kilakila itolo bo kukāli u Kwisa Kwake. Ikyene kyo fiki? Ikyene kibagile ukuboneka. Kyala āfingile ikyene. Yeso Kristi asisimikisye ikyēne kangi āyobile ikyēne kikuyaga lūlo, kangi apa uswe tuli umwisyūgu, ukufuma pa fyīnja maelifu mabili, tukumbona Umwēbe pakati pītu, akāli Mpōnjoli Gwamaka! Umwene aaponjwile ubufwe, gehena, ilipimba, syosa inyīho; alinkwega i Lisyu. . . ? . . . umwene. Ena.

⁷² Umwene alinkuti, “Linga ugwe kusyala mwa Une, kangi a Masyu Gangu mwa ugwe, suma iki ugwe gwiganile kangi ikyene kisakupegigwe kwa ugwe.” Ngimba ikyene kyāli fiki? I Lisyu, Kristi, Ikyo kili mu ndumbula yako. “Linga ugwe kusyala mwa Une, a Masyu Gangu gikwitugasya mwa ugwe, polelo ugwe uponjologwe kilikyosa panongwa yakuti Une nāponjola ikyene kuli ugwe. Linga ugwe kwitugasya mwa Une, linga ugwe ubagile ukumbilikisya Une, linga ugwe ubagile ukwitugasya mwa Une. Umwene uyu ikwitika Une, uyu ikunyāmbilila Une; komma itolo ukwipela-kwitika, loli abagile ukwambilila. Umwene uyu ikupilika a Masyu Gangu, ukupilikisya a Masyu Gangu, kangi ikwitika pa Umwene uyu ālindumile Une, ali nu Bumi bwabwila; kangi atisakwisa mu ngelo, pamo ukutāgīgwa, lōli akīndīle ukufuma ku bufwe ukubuka ku Būmi.” Pala Umwene alipo, u Mponjoli Gwamaka!

⁷³ Apa Umwene ali umwisyugu, yulayula mmayolo, umwisyugu, na bwilanabwila. Apa Umwene ikubomba pankyēni pa Mbeyu ya Abraham, iyi yākolēligwe ukufuma ku Babuloni, yākolēligwe ukufuma ku Sodomu, yākolēligwe ukufuma ku kīsu, kangi yāpāgulgwe, ukunāngisya ulufingo Lwāke itolo katikati lwabwānalòli. Ukufuma pa fyinja maelifu mabili, apa Umwene ikwima nkati mmyitu, ikilo iki, u Mponjoli Gwamaka, u Lisyu lya Kyala Yūyo abagile ukumanya aminogono aga gali mu ndumbula, kangi ifundo sya mu. Ngimba ikyēne kyo fiki? “U Luyungu lwāko lwisakupoka ifipata fya ndugu gwāke.” Ngimba ikyene kyo fiki? Ulwene lo Luyungu lwa Abrahamu, u Luyungu Lwabunyafyale, ukwitika i Lisyu. Kangi i Lisyu lyo—i Lisyu yo Kyala.

⁷⁴ Lilino akabalilo kāko uswe tukuketa iki, uswe tubagile ukukōlèla pānja na bēne, bo mūmo umwāti gwaiyolo:

Ukuyamumi, Alinganile une; ukufwa,
Alimbokile une;

Ukusyiligwa, Umwene aapimbile imbibi
syangu kubutali;
Ukusyuka, Alinsalile kisita ntengo syepwa:
Ilisiku limo Umwene ikwisa—o, ilisiku ilinoge!

75 Umunduyumo alinkuti, “Ugwe kukangala, ndumiana.” Une ngabagila ukukitula ikyo.

76 Une nĭtugèle ukufuma une nāli ndumiana nnini, ubukabi bwāngu bwēne ubu nĭlèmo nabo siku ko kukēta Kwisa kwa Yeso Kristi. Une nāpele u bumi bwangu pa nongwa yila. Une ngāli nkigemo, ukuya nnyambala unkangale, une ngusubila a Kapango kalakala, kangĭ ikindu ikikulumba fiyo iki une mbagile ukwinogona kyo kumbona Yeso Kristi ikwisa ukufuma ku myanya ukwambilila a Bāke Mwene. Kyala, polelo mwe. . .
Fyōbène uswe tubagile ukwimba:

Mwesa tufy’amaka ga Ngamu ya Yeso!
Unko Abandumi bagwe pasi;
Twala panja ingiya yabunyafyale,
Kangi mfwik’ingiga Umwene u Ntwa gwa
bosa.

77 Fiki? Umwene yo Mponjoli Gwamaka. Linga ugwe uli mwa Umwene, ugwe uli mu Lisyu. Umwene alinkuti, “Linga ugwe kwitugasya mwa Une, suma iki ugwe kulonda.” “Iki ugwe kulonda,” kabuno ikipata kilikyosa kitalile kiponjologwe. Polelo uswe tubagile ukuyoba:

Kabuno ulufingo losa mwa Buku lwangu,
Untu guligōsa, ilināndi lililyōsa, kangĭ
ulukīndi.
Une ngusubila mu Lisyu Lyake Ilyakyaala,
Kabuno ulufingo losa mwa Buku lwangu.

78 Binangu, ngimba umwe mukusyagania iki kila kikusanusya? Ulufingo lulilōsa ulu Kyala ātēndīke Abraham, ulufingo lulilōsa ulu lwāyobīgwe na basololi, ulufingo lulilōsa ulu Yeso Kristi āfīngīle ku lisiku ili, Umwēne ali apa ukusisimikisya ikyēne nukunāngīsyā ukuti Umwēne mūmi kwa bwilanabwila. “Luyungu Lwako lwisakupoka ikipata kya balugu.”

79 Akabalilo kako ikyene kikwisa ku sala ya bufwe. Ugwe kuyoba, “Ngimba bule isya ikyo?” Ugwe ukāli uli nabo Ubwenenakyo ubu Pauli āyobile. “O lipumba, buli kugu ubuponjoli bwako? O bufwe, kali kugu ukasufi kako? Lōli ngupālisya kwa Kyala, Yūyo ikutupapo uswe ubupōnjōli ukwisila mwa Mpōnjōli Gwāmāka, Yeso Kristi.” O!

Unko Abandumi bagwe pasi;
Twala panja ingiya yabunyafyale,
Kangi mfwik’ingiga Umwene Ntwa gwa bosa.

80 Ikilo iki, ukufuma pa fyinja maelifu mabili, uswe tukwima ukumbona Umwene, pōpe, u Mponjoli Gwamaka Uyu ālāsīwīle

ikikíngo iki kyapāgwíle uswe ukufuma ku lufingo lulilōsa lwa Kyala, kangi uswe tuli bakinde bapōnjóli mwa Umwēne. Unko uswe twīpúte.

⁸¹ Tāta Gwakumwanya, bo uswe tukwīma apa, ikilo iki, mu Kuyapo kwa Mbepo Mwikemo, u Mundu unkulumba yula ugwa Yeso Kristi mbubumbigwe bwa Mbepo, Uyu āfingiligwe ukwisa pa Luyungu lwa Abraham, u Luyungu Lwabunyafyale, uswe tukusuma, O Kyala, linga alipo unnyambala pamo unkikulu, ndumiana pamo ndindwana, nkati muno, uyu atikukumanya Ugwe, abene bali nu kwilamwa nu kwīlūmbusya mu minogonelo gabo, ukufwana ni Lisyu lya Kyala, kali Ilyene lyo Bwanaloli pamo mma, O Kyala Nkulumba, Uyu ātendike u lufingo, isaga ikilo iki! Lulipo u lufingo lumolwene ulukulumba Ugwe utendike, Ntwa, Ugwe ubagile ukukyunga ulufingo lula, Ugwe uyobile, “Umwene uyu ikwitika mwa Une, imbombo isi Une ngubomba isakubombaga yope; inywamupo ukukinda isi isakubombaga umwene, kabuno une ngubuka kwa Tata.” Tāta Kyala, uswe tukusuma ukuti Ugwe kusisimikisyaga i Lisyu Lyako.

⁸² Balipo bīngi ba bāna ba Abraham apa ikilo iki, aba bo babine. O, u mōhēsi abakamandēnie abēne mōsa; abēne bababīkile abēne nkati, kangi abēne basanwisye ifūngulilo, kangi bayobile, “Lilino ugwe kufimbilisigwa ukufwa; ugwe uli nu lutamio lwa ndumbula. Ugwe uli nakyo *iki, kila*, pamo i *kingi*, kangi ugwe kufimbilisigwa ukufwa.”

⁸³ O Kyala, ngangabwite ya jubilee yili kubaga, ikilo iki, iya Nongwainunu, ukuti untumwa aligwesa abagiile ukubuka mbwabuke! Yeso Kristi aaponjwile ifipata fila. Uswe tukukolelela ifungulilo mmaboko gitu. O! “Mu Ngamu Yangu abene bisakusatisyaga imisyetano. Linga ugwe kunsuma Tata kalikosa mu Ngamu Yangu, une nisakubombaga ikyene. Umwene uyu ikwitika mwa Une, imbombo isi Une ngubomba isakubombaga yope. I Lisyu lya Kyala lyūgi kanunupo kangi lyamaka ukukindapo ulubo ulupyasye-kosakosa, ukutumula ku kutapulania kangi mfifupa, kangi nukuya mmanyila-ngāni gwa mīnogono aga gali mu ndumbula.”

⁸⁴ “Kangi mumo ukwene kwayilile mmasiku ga Noa, momumo ukwene kwisakuyilaga mu kwisa kwa Mwanundumiana gwa mundu, namanga abēne bālyāga, bānwāga, bēgāga, bapēgigwāgwa mbwēgi; imbātīko ingulumba isyabuyēngi.” Kangi uswe tukukētēsyā ikīsu, “Pisakuyapo ifimanyilo, ifyakukēta ifitīlīsyē mmwanya pamwanya (isi syo inyāngabia isyakupululuka), ifisenyēnda mmabuyo amakīndāne, inyanja yikubuna (amayiga ga mayiga), indumbula ya mundu yikutoligwa (ukupasya), indamyo pakati pa kisu, ukufubanika kwa kabalilo.”

⁸⁵ “Kangi mumo ukwene kwayilile mmasiku ga Loti, momumo

ukwene kwisakuyilaga pa kwisa kwa Mwanundumiana gwa mundu.” O Kyala, isaga ikilo iki kangi kubomba i Lisyu Lyako, isaga ikilo iki nukugĩndika u lwĩtiko lwa bāna ba Abraham. Ukwisila mu Ngamu ya Yeso Kristi uswe tukusuma ikyene. Amen.

⁸⁶ U Ntwa abasaye umwe, nubukabi. Une ndikubukaga ukutendeka ukukōlela kwa pa kigemo itolo akabalilo aka. Une nguyapakukileka ikyene kwa umwe. Une ngwinogona ukuti, utubalilo twingi, ukukōléla kwapakigemo. . . Une ngwitika ni fyēne. “Lōli na bu bwĩngi bwa aba bālyāmbilile, bālyōsigwe.” Ikyo kyo ikyēne, “Bĩngi bo bālimmwāmbilile Umwēne.” Uswe tukwiputilaga ababine.

⁸⁷ Une nābagile ukuyoba apa ikilo kyosa. Umwe mwe kilundilo ikiganigwa. Loli iki une nguyoba kyo nnyambala itolo; loli linga une nguyoba a Masyu Gake, polelo agene gakaya masyu gangu, agene go Masyu Gake. Linga une nguyoba ikindukimo, kangi Kyala atikukitūla ikyene, polelo lila lyali lisyu lyangu. Linga une nguyoba i Lisyu Lyāke, kangi Umwēne ikulitūla Ilyēne mōsa, ywāni yo nnyambala gwabutulwanongwa pamo nkikulu, ndumiana pamo ndindwana, uyu isakusokapo nu kuyoba Ikyene kikaya lululo?

⁸⁸ Yeso, alinkuti akabalilo kako Umwene ābombile i findu ifi, abene bātile, “U Nnyambala uyu ndagusi. Umwene yo mōhési!” Undagusi, aligwēsa amenye ukuti ubulagusi bo bwa mōhési. Umwene alinkuti, “Umwene yo ndagusi.” Lōli ngimba umwe mukētīlémō siku undagusi yumo ikulūmbilila i Nongwainunu? Ngimba umwe mukētīlémō siku undagusi yumo unsōsyāga imisyētano panja? Umma, naloli, abēne batikubōmba ikyēne.

⁸⁹ Umwene alinkuti, “Lilino, une ne Mwanundumiana gwa mundu nisakubahobokelaga umwe isya iki. Loli akabalilo kākō u Mbepo Mwikemo isile, ukuyoba ukulwana ni Kyene kitisa kuhobokeligwa nkisu iki pamo nkisu iki kikwisa, panongwa yakuti ikyene ko kukōléla imbombo ya Kyala ukuya mbepo inyali.”

⁹⁰ Kyala yaga gwakisa kwa uswe, ikilo iki, kangi une ngusuma ukuti Kyala isakusulukaga pāsi nukusisimikisya i Lisyu ili pankyeni pa umwe.

⁹¹ Nkundwe, kalumbu, ugu go moyo gwangu. Une ngufimbilisigwa ukwakwāgāna na Kyala. Une ndininongwa pa iki une nguyoba kwa umwe. Kyala isakungolaga une gwākwāmūla panongwa ya iki. Isyo syo bwanaloli. Kyo kinununki iki ikyene kikubombaga une ukwima apa nukuyoba ifindu ifi linga une nāmenye une ngukaga u moyo gwangu ku gehena?

⁹² “Yilipo injila iyi yikuboneka ndalusye ku mundu, loli ubumalikisyo bwāke yo njila sya bufwe.” Kyala atikufūmbwa

undĩngàni. Mumo une njobiile, Umwene ikulingania i Lisyu Lyake Mwēne.

⁹³ “U Luyungu lwa Abraham lwisakupoka ikipata kya ndugu.” Ngimba ugwe kwitika ikyene?

⁹⁴ Linga une nābagile ukukubumbulusya ugwe, une āngali ngubōmba ikyēne. Kristi atalile akubūmbulwísye ugwe. Ikindu kyēne, ugwe uli ni fungulilo nkiboko kyāko. Ifungulilo iyo yo lwĩtiko lwāko, ukwēga ubukōlelo bwa ikyēne. Igūla ikyēne, ikilo iki, bule umwe? Bo Umwene ikwisa pakati pitu, u Mponjoli Gwamaka yula yūyo āponjwile imbungo yiliyosa, kangi ikwisa kuno nukubanāngísya umwe ukuti Umwēne abōmbile ikyēne, kabuno Umwēne akāli yo Lisyu. “Kangi i Lisyu lyo mmanyilangāni gwa minogono yuu ali mu ndumbula.”

⁹⁵ Lyo likadi lya lwiputo liliku? B, yumo ku . . . Ngimba uswe tubagile ukwānda fiki ukufuma, ikilo kimo? [Yumo ikuyoba, “Yumo.”—Nsimbi] Unko uswe twande ukufuma pa malongo mahano. Ywani ali ni kadi ya lwiputo B, malongo mahano? Fyusya ikiboko kyako. Kadi ya lwiputo B. Uswe twālyāndile ukufuma yumo, ikilo kimo, lilino uswe tukuyaga pakwanda ukufuma malongo mahano, ikilo iki.

⁹⁶ Ywāni ali na B, B, malongo mahano? Kolelela mmwanya ikiboko kyāko. Likadi lya lwiputo B, malongo mahano. Ugwe kusanusya ilyēne kiya apa mma? Ngimba umwe mulinalyo ilyene? Umma ndaga, B, malongo mahano. B, malongo-mahano-na-yumo, ywani ali na ikyo? B, malongo-mahano-na-kimokyene, umma ndaga. B, malongo-mahano-na-mabili, ywani ali na B, malongo-mahano-na-fibili? Umma ndaga, ugwe ulinakyo ikyene. B, malongo-mahano-na-matatu, malongo-mahano-na-mana, isaga papapa ukukilania apa. Malongo-mahano-na-mana, malongo-mahano-na-fihano.

⁹⁷ Undumiana gwāngu ikwīsa ukusuluka kuno, itolo bo ngāli une ukwīngila nkati, nukufulugania mōsa ikupāmba kya makadi. Kangi kēta mumo abene bayilile, yumo *apa* kangi yumo *pala*? Abene batikumanya. Umwe mubagile ukwīsa ukusuluka unkolofwa *ugu* apa nukwēga limo, ugwakukōnga yumo ikwēga kalongo, uyūngi yumo ikwēga malongo-mabili-na-fihano. Uswe tukamanya kũko ikyēne kili, lōli, kulikōsa abēne baliko.

⁹⁸ Lilino balinga uswe tubagile ukukoolela? Bahano, bana? B, malongo mahano. Aali B, malongo mahano, bule? [Yumo ikuyoba, “Ena.”—Nsimbi] B, malongo mahano mpaka malongo-mahano-na-fihano. Malongo-mahano-na-ntāndātu, malongo-mahano-na-fabili, malongo mabili-na-lwēle, malongo-mahano-na-lwēle-na-limo, malongo-ntāndatu. Lilino unko uswe tukēte, kimo, fibili. . . Babala abēne, Billy, kangi uswe twisa. . . Malongo-ntāndātu, malongo-mahano-na-mabili, unko abēne bīme mwānya tāsi, linga ugwe kwisa. B, malongo-mahano mpaka malongo mahano-na-mabili, malongo-mahano-na-

mabili-na-fihano. Babala abene, Nkundwe Roy, linga ugwe ubagile, akabalilo kako une nguyoba ku kilundilo.

⁹⁹ Balinga panja pala lilino bo umwe mukuketa injila iyi, kangi umwe mukaya nalyo ilikadi lya lwiputo?

¹⁰⁰ Kumbukaga, Yeso aatile, “Imbombo isi Une ngubomba mwisakubombaga umwe numwe.” Ngimba ikyo kyabwanaloli? Ikyo kyo kyabwanaloli. Ngimba umwe mukwitika ikyene? U Luyungu lwa Abrahamu lwaayobile bo ulo.

¹⁰¹ Ii Bangeli likuyoba, ukuti, “Umwēne yo Mputi Nkulumba.” Abahiburi, untu gwa 4, “Umwene yo Mputi Nkulumba uyu abagile ukupalamasigwa nu bwipilike bwa bonywa bwitu.” Ngimba umwe mukwitika ikyene? Linga Umwene yo yuyo mmayolo, umusyugu, na bwilanabwila, ngimba Umwene ikubombaga bulebule ikyene?

¹⁰² Ālipo u nkīkūlu unnini, mwi Bāngēli, mūmo umwe mukukētēsya iki une nguyoba. Unkikulu unnini, mwi Bangeli, lumo umwene akali nalyo ilikadi lya lwiputo; loli umwene alinkuyoba mu ndumbula yake, “Linga une mbagile ukumpalamasya u Nnyambala yula, une ngumwitika Umwene.” Umwene ātagile fyosa ifi umwene āli nafyo, panongwa ya ngāng-...na bagānga. Abene bakābagile ukuntula umwene. Imbungo yake yāli nywamu fiyo. Abene balinkutoligwa ukuntula umwene. Loli umwene ālitike ukuti Kyala ayaga ukuntula umwene. Kangi umwene alinkupalamasya ulūgēnge Lwake, ulwa mwenda Gwake.

¹⁰³ Kangi Umwene alinkuti, “Une ngusyagania ukuti ulwīfimbilīsyo lukindile ukufuma mwa Une.” Ngimba uko kutalusya?

¹⁰⁴ Ngimba umwe mukwitika Umwene yo yuyo, ikilo iki? Ngimba umwe mukwitika Umwene ali apa? Balinga aba bikwitika Umwene āsyukile ukufuma ku bafwe? Lilino ngimba ugwe ubagile bulebule ukusisimikisya Umwene āsyusīgwe ukufuma ku bafwe?

¹⁰⁵ Pakaya patali mma, umfumuke unnyāmbala gwa kiBaptisti isaga kwa yene, kangi umwene alinkuti, “Nkundwe Branham, une nāponjwile—naponjologwe, akabalilo kamo, ukwisila mu gwaMuhamadi uyu āyobīle ikyo. Umwene alinkuti, ‘Linga Umwene asyusisye, Umwene afingile ukuti Umwene ikubombaga ikindu kilakila. Unko uswe tunkete Umwene ikubomba ikyene.’” Muketile, abene bikwitika ukuti Umwene akābombīle ikyene.

¹⁰⁶ Loli uswe tukwitika ukuti Umwene ikubomba ikyene. Uswe tukwitika ukuti Umwene asyusigwe ku bafwe. Bukayapo nabumo ubwīpūti ubūngi nkīsu ubu bubagile ukusisimikisya ukuti ugwālwālo gwābo mūmi, lōli i Kikristi. Kangi injila yene iyi Kyala abagile ukusisimikisya Ikyene, ko kwisila mu bala aba

bikwitika Ikyene, kabuno iyo yo njila yene iyi Kyalala ikubombela Amasyu Gake, bo bala aba bikwitika Ikyene.

¹⁰⁷ Lilino bo abēne bikugolosania akakīndi ka lwīpūto aka apa, une ngamanya balinga bisakwēga, une ngulōnda aligwēsa gwa umwe, kolelela ubūyo bwīnu, kolelela ikikota kyīnu, komma ukukwēndendeka, kēta injila iyi nu kwiputa, yoba, “Ntwa Yeso, une ngwitika.”

¹⁰⁸ Umwe mukukumbukila, Umwēne ālimbūlīle une, “Linga ugwe kubatwālāga abāndu ukukwītika ugwe; kangi polelo yaga gwānalōlilōli akabalilo kāko ugwe kwīpūta.” Kila kikilenie ikisu iki, ukugomokela kangi ukubuka, ku fyinja kalongo na fihano, komma akabalilo kamokene ikyene ukutoligwa. Ikyene kikabagila ukutoligwa.

¹⁰⁹ Kyalala, ikindu kimokyene iki Kyalala akabagila ukubomba, ikyo kyo kutoligwa. Umwene ikufimbilisigwa ukukyunga i Lisyu Lyake. Une ngwitika ikyo. Une ngwitika ikyo itolo ukuya kanunu mūmo une. . . ukukinda mūmo une ngwitikila ukuti une nimile apa, ukukinda une ngwitika une ndi mu nyumba iyi; iki kyābagīle ukuya nsyūngūlu, ikyene kyābagīle ukuya njosi. Mu moyo gwangu, une mmenye Yeso Kristi u Mwanundumiana gwa Kyalala gwabumi. Kangi ugwe ukuya Luyungu lwa Abraham, ugwe ukuya mfwe mwa Kristi, ugwe gwe Luyungu lwa Abrahamu.

¹¹⁰ Lilino abene bali ni fifunga fimo apa. Ikyakukaba ikikulumba kibōmbīgwe na iki, abandu aba bikwitika. Lilino unko uswe twinamisye imitu gyitu, akabalilo kako abene bikwitendekesya, nukwiputula ku ifi.

¹¹¹ Tāta Gwakumwanya, uswe tumanyisīgwe mu li Bāngēli, kangi balipo abandu apa aba bikwitika i Lisyu lililyosa ili Ugwe uyobile lyo Bwanaloli. Ntwa, utubalilo tumo abēne bikupepeluka nukutobola ku kibwina kya fūngilo, ni fūngulo, ukupōndwa ikyēne, kangi ukukalasila, lōli abēne bikwītika ikyēne kili pala. Itolo unko abēne bali umilisyāga ukutobola, abēne bisakukyāga ikyēne, namanga ikyēne kili pala. Kangi ifūngulilo yila yo fūngulilo indalusye, “Linga ugwe ubagīle ukwitika, ifīndu fyōsa fibagile.” Bo u lwīmbo lukwīmbigwa lilino, pamo ukukubīgwa.

¹¹² Mu i Bāngēli ikyēne likuyoba ikyo, “Pauli egīle ukufuma ku mbili gwāke ififunga nu twenda utwakupiyila, nu kutuma ifyēne ku babine na bōnywa, kangi imbepe inyali silinkubaleka abāndu, kangi abēne bābūmbulusīgwe.”

¹¹³ Lilino, Ntwa, uswe tumenye Mwikemo Pauli ali na Ugwe. Loli, ikyene akāli yu mwene mma; ikyene āli Ugwe, Ntwa, Kristi mwa umwene. “Komma une uyu ikuyamumi, loli Kristi uyu ali nu bumi mwa une,” umwene alinkuyoba.

¹¹⁴ Kangi lilino ku ngulilo iyi, Ugwe ukāli Kristi, umwisyugu, mumo ugwe gwāli mmayolo. Kangi bo une ngwiputa pamwanya

pa fifunga ifi, ukubapalamasya ifyene, une ngusuma ukuti Ugwe kuponjolága undugu aligwesa. Bapapo abene ulwitiko, ukubaleka abene bamanye ukuti undugu aponjologwe.

¹¹⁵ Kangi akabalilo kamo, i Nyanja Ngesefu, mumo uswe twāyobilepo itolo, yāli na Israeli ukutumulako ukufuma ku lufingo, kangi abene bāli mu lukindi lwa mbombo. Kangi unsĩmbi yumo āyobile, ukuti, “Kyala ākētīle pāsi na māsō amakalale, ukwisila mu Mbānda ya Mōto, kangi inyanja yilinkuya nulutende kangi yilinkwiguka ifipata fyake, kangi abene balinkukilania.”

¹¹⁶ Keta pasi, ikilo iki, ukwisila mu Lilopa lya Yeso Kristi. Kangi ngusuma, akabalilo kako ififunga ifi fibikigwe pa babine, u ndugu aliketaga ulwitiko lwitu, ikilo iki, akabalilo kako uswe tukusuma ulwiputo ulu ulwa lwitiko ku bene. Kangi aligwesa gwa bēne aliponesigwe, mu Ngamu ya Yeso Kristi. Ameni.

¹¹⁷ Lilino une ngulonda ubutegambulukutu ubusita kuyabania. Aligwesa uyu ali pa kyakuyobelapo pamwanya apa, ugwe ubagile ukukifyūsa mmwanya ikyene. Panongwa yakuti, linga u Mbepo Mwikemo ikufimbilisigwa ukubomba iki... Une ndikuyoba ukuti Umwene ikubombaga.

¹¹⁸ Lilino aligwesa ikwisa apa nukubabula umwe ukuti abene bali na maka ukubumbulusya ababine, komma umwe ukwitika ikyene. A maka gali gosa mwa Kristi. Umwene yo Mponjoli, komma ugwe na une. Uswe tukwitikisya itolo iki Umwene abombile. Nayumo umundu ali na maka ukupoka pamo ukubumbulusya.

¹¹⁹ U nyāmbāla aligwēsa nkīsu, u ntēngo gutalile uhōmbigwe. Ukulālusiḡwa kuhōmbigwe. Ngimba kyāli bulebule ikyēne? “Umwene afulasiḡwe panongwa ya ngilanio syitu, ni fulale Syake uswe twagangwike.” Ubwako—bwako bubumbulusyo buhombigwe. Ubwako ubupoki buhōmbigwe. Ngimba ugwe uli nu lwitiko ukwīsa, ukwitikisya ikyene? Ikyo kyo kyosa. Linga ugwe gwe Luyungu lwa Abrahamu, ugwe uli nalo. Kyala āfingile ikyene. Kilipo kimo mwa ugwe iki kikuti ikyene kili pala, kangi ikyene kili.

¹²⁰ Lilino ikyabupi kyo fiki? Kyo kyabupi kyakubuka panja nukubumbulusya abandu? Umma. Ikyabupi kyo kwiyega gwimwene ukusookapo pa njila, ukuti Kyala abagiile ukukubombela ugwe.

¹²¹ Lilino Umwene āfingile kila, ikika ikyabumalikisyo, ukufwana na Yeso Kristi, “Mumo ikyēne kyāli mmasiku ga Sodomu, itolo ikyēne kikāli ukōkigwa.” Komma bo ifindu ifingi fyabonike pa buyo, i Nongwainunu yālūmbililigwe na Loti, na fyosa bo ifyo; komma ikyo. Lōli itolo bo ikyēne kikōkigwe, Kyala āsulwike pāsi mbubūmbe bwa nnyāmbāla, nukwitūḡasya ni Kipanga ikisaligwa, Abraham ni kibugutila kyāke, aba bāli nu lufingo.

¹²² Lilino kumbukilaga, itolo u Luyungu lwa Abrahamu lukwambilila iki. “Nkabalilo kanini itolo kangu ikisu kypasi kitikumbona Une kangu mma,” Yeso alinkuyoba. “Umwe mwisakumbona Une, kabuno Une ngwisakuyaga na umwe, nkati mmyinu, ku bumalikisyo bwa kisu.”

¹²³ Lōli Umwēne āfīngīle, itolo bo akāli ukuti Umwēne āgomokile kāngi, “Mumo ukwene kwāyilīle mu Sodomu,” kēta iki u Sodomu ikuya; kēta iki i Kipanga kisaligwa kikuya, alinkuti, “momumo ukwene kwisakuyilaga pa kwisa kwa Mwanundumiana gwa mundu.” Kyala abonekile nduko lwa mundu, ukuti ni nyuma Yake yisyumbutusigwe ku kihema, alinkumbula iki Sarah ābōmbile nkati mwa kihema. Aligwesa amenye ukuti ikyo kyo Bwanaloli, fyusya ifiboko fyinu. Ikyo kyo katikati. Lilino Umwene āfīngīle ikylene. Uswe tuli nkabalilo ka bumalikisyo. Lilino kumbukilaga, ikyo kyo kindu kyabumalikisyo iki kyabonike; kangu ikisu kya Bāpānja kyālyōkīgwe lōsa, Sodomu, kangu u mwānundumiana umfīngīgwe alikwīsa pa buyo. Uswe tukulonda u Mwanundumiana umfīngīgwe, u Mwanundumiana gwa Kyala.

¹²⁴ Apa uswe tuli. Kyala ali igulaga amāso gīnu. Une ngamanya nakimo ikīngi ikyākuyōba. Umwēne ali igulaga amāso gīnu.

¹²⁵ Lilino Tāta Gwākumwānya, une ne nsitabutuli, une ne kipāmbō kya mfu iki Ugwe gwābūmbīle palikimo, nukubika panja apa. O Kyala, une ndiyaga, ikilo iki, ndiyaga ni lipyana lyako kangu u Kuyapo, ukuti ikyēne kibagile ukuya Ugwe ubagile ukubōmbela utu utunīni utulūndiko twa mfu Ugwe uli nato nkati muno. Ukuti bala, Ntwa, aba Ugwe ukōlīle ku Būmi Bwasyēpwa, kangu lumo bakītīkīsyā Ilyēne tāsi, abēne balikētāga ifingo isi. Abēne lumo bamanyisīgwe ikyo kyāli ku lisiku ilingi, lōli apa ikyēne kili mu i Bāngēli. Sisimikisya Ikyēne, Ntwa. Ulo lo lulinganio Lwāko Mwēne. Ikyēne kitikulōndīgwa kangu ukukīnda ikyo. Linga Ugwe itolo kupelaga ikylene ukuya lululo, polelo abene bisakuketaga ukuti i Lisyu lyabwanaloli. Tupaga ikylene, Tata. Uswe tukwibika twibene kwa Ugwe.

¹²⁶ Unko u mundu aligwesa nkati muno, Ntwa, abombelege u lwitiko lwabo, ikilo iki. Aliyaga mbakasya aligwesa gwa Kikolo kya Abraham, ukwisila mwa Yeso Kristi, aliyaga nu lwitiko, ikilo iki, nu kwītīkisya u Kuyapo Kwako. Kangu uswe twisakubapa Ugwe ulutufyo. Amenī.

¹²⁷ Lilino, ngimba iyi yo yābumali-. . . Lilino iki kyo kihesya. Une ngulonda ugwe undule une lilino, nyiputila une. Itugala kimyemye naloliloli, komma ukwenddeka ukusyungutila. Itugala kimyemye, iputa.

¹²⁸ Lilino, muketile, ikylene kikusanuka ukufuma ku bubangeli, ukukilania ku kwīpolesya gwīmwenē mu njila yimo ukuti u

Mbepo gwa Kyala abagile ukwēga ugwe lōsa mu bugelelelo ubungi.

129 Lilino apa ikwīma uyu unkeke. . . Isaga kuno panini itolo, nkīkūlu. Kangi itolo. . . Ikyo kyo kili kanunu mōsa, ukuti une ndikusōkāga ukufuma ku kyakuyobelapo iki. Muketile, une ngamanya iki kikuboneka, umwe muketile, kangi polelo utubalilo tumo, umwe mumenye. . . Lilino injila yene iyi une nkimenye ikyene, ikyene kyo—ikyene kyo pa kyakuyobelapo, umwe muketile, kangi abene bikugela ukukikola ikyene panja pala, kangi une itolo ngamanya fiki.

130 Lilino uswe tuli bahesya yumo kunnine. Une ngakumanya ugwe, ngakubonamo siku mbumi bwangu. Lōli ugwe uli fiyo nninipo ukukīnda une. Kangi uswe lumo twāpāpigwe amamailosi ukulekana, ifyīnja ukulekana. Aka ko kabalilo kakwānda u lukomano lwītu. Ngimba ikyo kitalusye? Linga ikyēne kili, fyūsa ikiboko kyāko ukuti ikilundilo kisakukēta. Lilino, umwene yo nkikulu itolo imile apa.

131 Kēta, ega ikyēne ukugomokela ku Lisimbo. Unko uswe twēge Mwikemo Yohani 4. Aligwesa gwa umwe bala ikyēne akabalilo kāko umwe mukubūka kukāya. Komma—komma ukuti unkīkūlu uyu yo luko lula ulwa nkīkūlu; une ngamanya. Kangi umwe mumenye ukuti une ngaya Yeso Kristi. Loli Umwene ali apa. Umwene yo Mwene. Lilino u Mbepo Gwake ikutupaka uswe, abagile ukusetula u lutamio lwake, mumo Umwene ābombīle ku nkikulu pa kisiba. Ikindu kilakila.

132 Kangi, ukwisila mu ikyo, kūko abapūti na balongosi ba lisiku lila, balinkuti, “U Nnyambala uyu ndagusi, pamo u mōhesi, Belezebabu.”

133 Unkikulu uyu alinkuti, “Nkulumba, une ngusyāgania ukuti Ugwe gwe nsololi. Uswe tumenye ukuti Mesiya ikwisa, kangi ikyo kikuyaga kimanyilo Kyake.”

134 Lilino, balinga bamenye ikyo kyo kyabwanaloli? Ena, linga Umwene yo yuyo mmayolo, umusyugu, na bwilanabwila, ngimba ikyo kitikuyaga kimanyilo Kyake ikilo iki? Ngimba Umwene āfingile ikyēne kikuyaga, itolo bo ubumalikisyo bwa kabalilo? Lilino keta linga Umwene ikukyūnga u lufingo Lwāke ku Luyungu lwa Abraham.

135 Lilino linga aligwēsa nkati muno ikwīnogōna ikyo kyo kisobi, ugwe isaga pamwanya apa nu kubōmba ikīndu kilakila. Linga ikyene kikaya, polelo komma ukuyoba nakimo isya ikyene. Ugwe uli nu lusako.

136 Lilino, mu Ngamu ya Kristi, une ngwega mbepo yiliyōsa pasi pa bulagili bwangu, ku lwimiko nu luyindiko lwa Kyala.

137 Une itolo mbagile ukuyoba kwa ugwe, akabalilo kanandi, nkīkūlu nkeke. Ugwe umenye, u Ntwa gwitu aayobile ku nkikulu

yula pa kisiba. Umwene alinkuti, “Ndwalila Une agakunwa.” Ngimba Umwene âbombaga fiki?

¹³⁸ Lilino kêtésya, Umwene âyobîle, mwa Mwikemo Yohani 5, “Naloliloli, naloliloli, une nguyoba kwa umwe, u Mwanundumiana,” yula âli Mwene, mbili, “akabagila ukubõmba nakimo nkati mwa Mwêne,” pêne bo Umwêne ikumbõna Tâta ikubõmba. “Iki u Tâta ikubomba, Umwene ikunnangisya u Mwanundumiana. Muketile, Une mbagîle ukubomba nakimo mwa Nimwêne, lõli bo Une ngukêta u Tâta ikubõmba ikyêne.” Polelo, Yeso akâbombilémo siku ikiswigo kimokyene mpaka ikyâkwânda Kyala âlinângisye Umwene mu mboniboni; komma ukumbula Umwene mu mbulukutu Yake, loli âlimbonisye Umwene. “Iki une nguketa,” komma ukupilika, “nguketa Tata ikubomba.” Ikyo kyo iki kyalimpelile Umwene ukuya Nsololi bo yu Mose, mûmo Mose âyobîle. Lilino akabalilo kako Umwene—Umwene âménye Tâta . . . Umwene âli pa . . .

¹³⁹ Umwene ayaga pa Yeriko, loli Umwene âlondigwaga ukwenda mu Samaria, kangi Umwene âlisile ku kaya ka Sikara. Kangi lilino muketile, aba kiSamaria bâlondesyâga u Mesiya.

¹⁴⁰ AbaYuda bâkilondesyâga ikyêne, kangi Umwêne âbanângisye abêne ikimanyilo Kyâke. Filipu, Nataniele, Peteri, nakalinga itolo bo ikimanyilo kila kyâbõmbigwe, abêne balinkuti, “Ugwe gwe Mwanundumiana gwa Kyala.”

Rabi alinkuti, “U Nnyambala uyu yo Bezebabu.”

¹⁴¹ Lõli lilino kumbukila, a Bâpànja, uswe, uswe twâli ba Anglo-Saxon, uswe—uswe tukalõndesyâga kuli nayumo Mesiya. Uswe twâli biputafifwani, Baroma, na fyosa bo ifyo. Uswe tukâlondesyâga ku Mesiya nayumo. Umwene ikwisa ku bala bêne babo bikundonda Umwene.

¹⁴² Loli aba kiSamaria bândondesyâga kuli Mwene, polelo Umwene âfimbilisigwaga ukubuka ku bene, ukufyûka kifuki Samaria. Umwene itugasyaga ku kisiba. Unkikulu unkeke, lumu ugwa bukusi bwako, âsokile panja. Umwene ali nkikulu gwa bufumuke-bubibi. Ugwe ubalîle akapango, une ngusakikisya. Kangi Umwene alinkuti, “Nkikulu, ndwalila Une agakunwa.”

¹⁴³ Umwene alinkuti, “O, ulwene lo lukaya lwiho ukuti Ugwe, u n’Juda, ukunsuma un’Samaria u luko ulu.”

¹⁴⁴ Umwene alinkuti, “Loli linga ugwe gwamenye Uyu ugwe kuyoba nagwe, ugwe angali kunsuma Une agakunwa.”

¹⁴⁵ Ukwangala kwaakindilile. Kubumalikisyo, Umwene âkwâgîle kuko ulutamio lwake lwâli. Umwe mukukumbukila iki ikylene kyâli? Umwene âli na balume bingi. Kangi alinkuti, “Buka kammwege undumego, isaga kuno.”

Umwene alinkuti, “Une ngaya nayo nayumo.”

146 Alinkuti, “Ugwe uyobile kanunu,” alinkuti, “panongwa yakuti ugwe ufumile pakuya nabo bahano, kangu uyu ugwe kwitugasyāmo nagwe lilino akaya gwāko mma.”

147 Umwene alinkuti, “Nkulumba, une ngusyāgania ukuti Ugwe gwe nsololi. Uswe tumenye Mesiya ikwisa, Umwene isakutubulaga uswe ifindu ifi.”

Kangu Umwene alinkuti, “Une yo Umwene.”

148 Umwene alinkuyileka i ndeko ya misi yake, ukubopela nkāya, kangu alinkuti, “Isaga, nketa u Nnyambala Uyu āmbulile une iki une nābombile. Ngimba uyu akaya yo Mesiya?” Abēne bakāli nayo u nsololi ku ba mia ba finyinja. Kangu apa aalipo u Nnyambala uyu iyobelāga ukuya Mesiya, kangu āsisimikisye ukuya u—u nsololi, kangu alinkunangisya ikimanyilo kya Mesiya.

149 Ngimba ikylene kikukupela ugwe ukwitika ikindu kilakila, linga Umwene ābombile ikindu kilakila, ukuya Umwene yo yuyo mmayolo, umusyugu, na bwilanabwila, kangu afindigile mu Masimbo aga ukuti Umwene ikubombaga ikylene?

Ngimba ikylene kikupelaga ikilundilo ukwitika?

150 Ugwe kukubilwa nu lutamio lwa figo. Linga ikyo kyo kitalusye, fyusya ikiboko kyako.

151 Nongwa ya fiki ikyo akabalilo kōsa kikulūndūka nkisyo kyāngu? Umunduyumo ikuyoba, “Umwēne āsakikisye ikyo.” Une ngasakikisiamo siku ikyo.

152 Apa, umwene yo nkikulu unnunu. Ngimba umwe mukwitika une? Lilino umwe mumenye une ngakiabilamo ikyo. Unko une njobe ikindukimo ikingi. Undumego ali na ugwe. Umwene ikukubilwa, yope. Bule umwene? Akayiilo ka lukōngolomia. Uko ko kotalusya. Bule? Ugwe uli nu ndumiana unnini na ugwe. Umwene ikukubilwa, yōpe. Ugwe kulonda umwene iputiligwe. Umwene ali nakyo ikindukimo kitamisye na maso gake. Uko ko kotalusya. Ugwe uli nu ndindwana unnini na ugwe, umwene ali nu lutamio lwa figo, bo ugwe. Ngimba uko kotalusya? Lilino umwe mubagile mwēsa ukuya kanunu, linga umwe mukwitika. Ngimba ugwe kwitika ikylene? Kyala akusaye ugwe. Bukaga pa nsebwe gwako nukuya kanunu.

153 Ngimba umwe mukwitika? Umwene yo yuyo mmayolo, umusyugu, na bwilanabwila. Ngimba ikylene kyo fiki? Ngimba Umwene ikugela ukubomba fiki? Kwa umwe, Luyungu lwa Abraham, Umwene ikukunāngisya umwe ukuti Umwene akaya mfwano mma. Une ngabagila ukubomba ifindu ifyo. Umwēne akaya mfwe mma. Lōli Umwēne yo mūmi, ukunāngisya ugwe ukuti ugwe uli nu bwābūke ukupoka ifipata fya ndugu gwāko. Ikyo kibagile ukumasya ikylene.

154 Unkikulu uyu, isaga injila iyi, akabalilo kanandi itolo. Uswe tuli kifuki, ku buyobumo mu ngulilo yilayila, une ngusakikisya. Lōli uswe tuli—uswe tuli bahesya yumo kunnine, popāpo mūmo

une mmanyĩle. Une ngakumanya ugwe, kangi uswe tuli bahesya. Une ngamanya nakimo ikya ugwe. Linga ikyo kyo kitalusye, fyusya ikiboko kyako, muketile. [Kalumbu ikuyoba, “Uko ko kutalusya.”—Nsimbi] Itolo bamo mwa bene bakupele ugwe ilikadi lya lwiputo, kangi apa ugwe uli. Umma ndaga. Lilino linga u Ntwa Yeso. . .

¹⁵⁵ Linga une, lumo, tuyobe une nāgelaga ukwega u buyo bwa Nkundwe Oral Roberts, pamo yumo mwa banyambala abakulumba abalwĩtiko bala, Une nguyobaga, “Nkikulu, fyofiki kitamisye na ugwe?”

¹⁵⁶ Ugwe ubagile ukuyoba, “Ena, une ndi ni *kyakuti-na-kyakuti*.” Lilino, umwene lumo abagile ukuti akaya ntalusye. Muketile? Une ngamanya. Muketile? Loli, umwene, ugwe ubagile ukumbula umwene iki kitamisye.

¹⁵⁷ Umwēne ābagīle ukubīka amaboko pa ugwe, ikuyoba, “Kyala ālindumile une uku—ukwīputīla ababine. Ngimba umwe mukwitika ikyo?” “Ena.” “Lwimiko kwa Kyala! Bukaga, itikaga ikylene.”

¹⁵⁸ Ikyene kili kanunu kyosa. Ikyene kyo kinunu mosa. Kyala āfingīle ikyo. Lōli, umwe muketile, uswe tukwitūgala pamwanya panini ukukīndililapo pamwanya pa—pa lisiku ukukīnda ikyo. Yeso aafingile, “Mumo ukwene kwayilile mmasiku ga Sodomu. Imbombo isi Une ngubomba mwisakubombaga umwe numwe.”

¹⁵⁹ Lilino, linga Kyala abagīle ukumbula une iki ugwe ufumile pakuya, ugwe umenye kali ikyo kyo kyabwanaloli pamo mma, Umwene abagile ukukubula ugwe iki ugwe kuyaga, kangi linga ikyo kyo kyabwanaloli, iki kikuyaga kyabwanaloli, kyope.

¹⁶⁰ Linga Umwene ikukubula ugwe, kilikyosa, une ngamanya, loli linga Umwene isakumbulaga une iki ulutamio lwako luli, ngimba umwe mukwitika ikylene, numwe, kilundilo?

¹⁶¹ Une naloliloli mbagīle ukwima. Kala akabalilo kamo, u mundu yula uyu āli apa akabalilo aka kakindilepo, uyu ikufimbilisigwa ukusisimikisya ikylene. Yeso ābōmbile ikyēne kamokēne. Umwēne akābōmbilēmo siku ikyēne akabalilo kāngi mma. Aligwēsa mu Sikara ālītike ikyēne, ālītike ubukēti bwa nkikūlu, akabalilo kako umwene ikwisa, alinkubabula abene, kangi umwene ali nkikulu umfumuke-nimbibi. U Nkristi asōkilepo itolo pa kigemo, pankyeni pa mwesa ba umwe! Amenī. Loli ukuya ukuti ukwene kwililepo ukukinda mumo uswe tukwinogonela, u Ntwa alikindililaga ukusisimikisya Mwene, u Mponjoli Gwamaka, uyu u Luyungu lwa Abraham. . . Loli bo yu Abraham, Umwene abombile ikylene kwa Abrahamu, akabalilo kamo; polelo alinkubongotola ikyo, kangi alinkubomba ikylene kangi. Abraham kingikingi ukwitika Kyala.

¹⁶² Ugwe ukaya apa kuli gwimwene'mma. Ugwe uli apa panongwa ya munduyumo uyungi, kangi uyo yo nkikulu. Ikyēne yo kalumbu gwāko. Kangi unkikulu uyu ali asyungululigwe

ku bufwe. Kangi umwene ikukubilwa ni—ni mbungo ya sukali. Kangi umwene akaya gwakufumila kuno mma. Umwene ikufumila ku...Umwene afumile ku Louisiana, ikisu kya fitubwi. Ukuti...Kangi apa kilipo ikindu ikingi, ukuti ikilundilo kibagile ukumanya iki. Ugwe uli nu mwanundindwana uyu mbine naloliloli, uyu ikwitendekesya ukwisa ku lukomano ulu, kangi umwene ali ni fisilisi. Ikyo kyo kyabwanaloli. Ikyo kyo kyabwanaloli. Bule ikyène? Ngimba umwe mutikwitika lilino? [Unkikulu ikuyoba, “Ena. Ameni.”—Nsimbi] Linga ugwe gwe Luyungu lwa Abrahamu, itikisya ikyene nu kwēnda panja, nukubūmbulusigwa mu Ngamu ya Yeso Kristi.

¹⁶³ Ngimba umwe mukwitika? Naloliloli. Kumbukilaga, ulwene lo lufingo Lwake. Umwene aayobile Umwene ikubombaga ikyene. Umwene ikwima nu lufingo Lwake.

¹⁶⁴ Mubombile ndaga? Uswe tuli bahesya yumo kunnine. Une ngakumanya ugwe. Loli Kyala akumenye ugwe. Ngimba ugwe kwitika linga Kyala abagile ukusetula ku myangu ulutamio lwāko, polelo ugwe umenye ikyene kikufimbilisigwa ukufuma ku maka gamwambepo gamo. Lilino, filipo itolo ifindu fibili ikyène kibagile ukwisa ukufuma, ukuti ugwe ubagile ukwinogonela. Akabalilo kāko ikyène kibōmbigwe, ikyène kyo ukukinda ukulingania, panongwa yakuti ikyène kyo kiswigo. Kangi, kyōpe, ikyène kyo kisitabulīngānio; ikindukimo, ena, ikyène kyo kisitakwinogonigwa, napāpo kyabwanaloli. Ikyène āngali kikuya kisitabulīngānio. Kangi lilino ugwe umenye ikyene, kali ikyene kyabwanaloli pamo mma, ugwe kwisakumanya ukuti kali Umwene abakulile ugwe u bwanaloli.

¹⁶⁵ Lilino, kumbukilaga, une ngakumanya ugwe. Ikyene kikufimbilisigwa ukuya Yumo palubafu pa une. Linga ugwe kubōmba bo baFarisai, kangi alinkuti, “O, ikyène kyo mbepo inyali,” polelo ugwe uli nu mfwālo gula. Linga ugwe kwitika ikyène yo Kristi, ugwe uli nu mfwālo Gwāke. Inongwa iyi ugwe ubagile ukwitika ikyene, panongwa yakuti Umwene afingile ikyene ku lisiku ili, kangi ikyene kikayamo mma ukufuma akabalilo kala mpaka aka. Ikyo kikupela akene akabalilo kabumalikisyo.

¹⁶⁶ Alipo yumo ikumilisya ukuboneka pankyeni pa ugwe, akabalilo kosa. Umwene yo nnyambala, gwambuha. Umwene yo ndumego. Itugesye palapala pala. Umwene ikugela ukwitikisya ububumbulusyo bwāke, ukuya asyūngululigwe na kansa, ikyālyūlu, kansa. Ugwe uli nu lutamio lwa figo, ulutamio lwa kipūtilo. Umwe yōmwe Tāta. na Nka. Little. Ngimba uko kutalusya? [Kalumbu ikuyoba, “Ena.”—Nsimbi] Itikaga ni ndumbula yako yosa, kangi yaga babumbulusigwe.

¹⁶⁷ “Ugwe kuyoba ingamu yake, ingamu yabo?” Fiki, naloliloli. Ngimba Yeso akalimbulile Peteri, “Ingamu yako yuwe Simon,

mwana gwa Yonasi”?

¹⁶⁸ Apa alipo unnyambala. Uswe tuli bahesya yumo kunnine, nkulumba. Une ngakumanya ugwe. Loli ugwe uli nnyambala, bo—bo yu Peteri ikwisa kwa Ntwa Yeso, uswe tukwisa palikimo. Ngimba ugwe kwitika une ukuya gwambombo Gwake? Ngimba ugwe kwitika iki une njobile kyo bwanaloli? [Unkundwe ikuyoba, “Ena, nkulumba. Une ngwitika, nkulumba.”—Nsimbi] Linga ugwe ubagile ukwitika ikylene! Une, linga kalipo kalikosa aka une mbagile ukubomba kuli ugwe, une mbagile ukubomba ikylene, loli kikayapo nakimo iki une mbagile ukubomba. Umwene atalile abombile ikylene; ikylene kyo itolo kindukimo ukukutwala ugwe kwitika ikylene. Kangi, muketile, ikylene angali kikaya une mma. Linga ikylene kyāli une, une āngali—une āngali ngubombaga fyosa une nābagile kuli ugwe. Loli Umwene ālimbele une ikyabupi, kangi une itolo ngwihobola nimwene pankyeni pa Umwene, kangi Umwene ikubomba ubuyobi. Ngimba ugwe kwitika ikyo? [“Ena.”]

¹⁶⁹ Ngimba umwe mukwitika ikyo, kilundilo?

¹⁷⁰ Une nālonidaga ukummwaga u nnyambala. Ugwe uli ni findu fingi fisobi na ugwe. Loli kimo mwa findu fyo, ugwe uli ni kimela pa kisige kyako ikyakukililo. Ulo lo lutamio lwako ulwapamwanya. Apa kilipo ikindu ikingi, unkikulu ikūmilisya ukwima apa. Ikyene yo nkasigo. Ngimba ugwe kwitika Kyala abagile ukumbula une iki kitamisye nu nkasigo apa? Ulutamio lwāke luli nkanwa kāke. Ulwēne lo mmino gāke. Uko ko kutalusya. Ngimba ugwe kwitika ukuti Yeso yulayula, Yūyo āménye uyu Simoni Peteri āli, ābagile ukumbula une ukuti ugwe gwe ywani? [Unkundwe ikuyoba, “Ena.”—Nsimbi] Ngimba ikylene kikukupela ugwe ukwitika nubukulumba? [“Ena, nkulumba.”] Ikyene kikubombaga? [“Ena.”] Oscar Barnes. [“Uko ko kutalusya.”] Ngimba uko kutalusya? Bukaga pa nsebwe gwako ukubuka kukaya, yaga mbumbulusigwe.

¹⁷¹ [Ubuyo busitakandu pa tepi—Nsimbi]. . . nhesya kwa ugwe. Une ngakumanya ugwe, loli Kyala nalōli akumenye ugwe. Ngimba ugwe kwitika ukuti Umwene abagile ukumbula une iki kyo lutamio lwako? Ngimba ugwe ubagile ukwitika ikylene ni ndumbula yako yosa? Ulutamio lwāko luli ukusyūngutula u mmilo gwāko, kangi nkipāmbaga kyāko apa. Ikyēne kyo i—ikyēne kubola kwa fifupa. Ugwe kuya nu kwisula, ngati, kangi ifipinyo nkati mbubūmbe bwa kifupa. Uko ko kutalusya. Ugwe ukaya gwa kuno mma. Ugwe guli mu a—a kāya aka kali ni mipiki gya lūki mōsa ukusyūngutula akēne. Akēne kitūgēsye mu kikoga, nu kusyūngutula kwa fyāmba kunyuma kwa kēne. Yiliko i hoteli iyakukōleligwa Antlers. Akēne yo San Bernardino. Uko ko ugwe ufumileko. Gomokelaga, Yeso Kristi ikukupela ugwe ukuya kanunu, linga ugwe kwitikaga ikylene.

¹⁷² Kilipo ikindu kimokyene iki kibagile ukubumbulusya kansa,

uyo yo Kyala. Ngimba ugwe kwitika Umwene ikubumbulusyaga ugwe? [Unkundwe ikuyoba, “Une naloliloli ngwitika.”—Nsimbi] Kwitika ikylene! Bukaga, kangi Untwa Kyala alipelaga ugwe paliposa mbumbuluke.

¹⁷³ Lululu ulu ugwe ufumile pakuya palubafu-. . . ukukĩndapo ukuya gwalutēnde, nalōli ufuluganikene. Lōli ulutēnde ulu, ulwānda lwāko lufikilemo nkayīlo kamo. Ugwe ukabagila ukusya ikyākulya kyāko; kikubiluka ikyēne mmwanya nkanwa myāko. Ikyēne kyo yo asiki mōsa nkanwa myāko. Kwīlile ukwa pamusi, ugwe kufikapo nalolilo mōnywa na filifyōsa. Ugwe uli ni kilonda kya munda nkati mūnda mwako. Ngimba ugwe kwitika ukuti uyo yo Yeso Kristi abagile ukukubula ugwe ikyo? [Kalumbu ikuyoba, “Ena.”—Nsimbi] Buka ukalye ifindu fyako ifyabugonelo, polelo. Itikaga ni ndumbula yako yosa, Yeso Kristi ikukupela ugwe uyege kanunu.

¹⁷⁴ Mubombile ndaga? Filipino ifindu fingi ifi fisobi. Loli kimo mwa findu ifi ugwe kutila, ugwe kuyaga pakulemala ni mbungo ya fifupa. Loli ngimba ugwe kwitika ukuti Kyala isakukubumbulusyaga ugwe, ukupela ugwe uyege kanunu ukufuma ku kyene? [Unkikulu ikuyoba, “Ena.”—Nsimbi]

¹⁷⁵ Ntwa Yeso, une ngusuma ukuti Ugwe kupaga ikylene kwa kalumbu gwangu. Mpapo umwene ukukēta kwāke. Ega ulutamyo lwa nkikulu ukufuma ku mwene, kangi tendeka ukwisulafifupa kanunu, mu Ngamu ya Yeso. Ameni.

¹⁷⁶ Bukaga lilino, gwakwitika. Umwene isakubombaga ikylene, kangi ikylene kikuyaga kyosa kinunu. Komma ukwilamwa, kindililaga itolo ukwenda, kangi itikaga ni ndumbula yako yosa.

¹⁷⁷ Ulutamio lwa ndumbula kyo kindu kinyali, loli Kristi ikubumbulusya indumbula. Ngimba ugwe kwitika ikyo? [Unkikulu ikuyoba, “Ena.”—Nsimbi] Bukaga, itikaga ikylene, kangi ikylene kisakubombaga mosa. Ikyene kimalike.

¹⁷⁸ Ngimba ugwe kwitika ugwe kuyaga pakulemala? Umma, une ndikwinogona bo ulo, nīne. Ilinogono lyangu, ukwisulafifupa; unsyungulu gula pala, o, uyo yo kansa. Ngimba ugwe kwitika Umwene ikubumbulusyaga ikylene? [Ukalumbu ikuyoba, “Ena, une ngwitika.”—Nsimbi] Bukaga, itikaga ikylene. Umwene ikukupelaga ugwe uyege kanunu.

¹⁷⁹ Ikyēne kifumile pakukutamia ugwe akabalilo akatalipo panini, ukwīgala mu ndūmbula. Loli ngimba ugwe kwitika ukuti ikylene kikuyaga kimalike, ikilo iki? Bukaga, itika ikylene, Yeso Kristi ukupela ugwe uyege kanunu.

¹⁸⁰ Lufumile ukuya lutamio lunini, ukufuma ku lutamio lwa bakīkūlu, ku kabalilo katali. Kangi polelo, ugwe uli, ugwe uli na kabalilo akakafu ukusumuka ndubunju. Ugwe uli mūmano, mu sāmba syako. Ugwe ukabagila ukwenda kifuki, mpaka mmwanya mu lisiku, ugwa kabalilo. Ikyene kyo mbungo ya

fifupa. Bukaga, komma ukwilamwa, ugwe utisakuya nakyo ikyene kangi mma. Itikaga itolo ikyene, ni ndumbula yako yosa.

¹⁸¹ Ugwe uli ni findu fīngipo, ififuluganie. Lōli i kīndu kimokyēne iki kikukutamia ugwe mbubibi fiyo, ugwe nūgwe kwīngōṅona isya kwisulafifupa, iki ikyēne kili, kikukulemasya ugwe mōsa. Ngimba ugwe kwitika ukuti Umwene ikukupelaga ugwe ukwenda nukuya kanunu? [Unkikulu ikuyoba, “Ena, nkulumba.”—Nsimbi] Bukaga, itikaga ikyene ni ndumbula yako yosa, Yeso Kristi isakukupelaga ugwe uyege kanunu.

¹⁸² Indumbula ya lutende, kangi ukwisulafifupa, loli ngimba ugwe kwitika ukuti Kyalala isakukupelaga ugwe uyege kanunu? Ugwe kwitika? Bukaga, kangi Untwa Yeso alipelaga ugwe uyege kanunu.

¹⁸³ U lwānda lo nalōli lukupēle ugwe ikilūdiko kya ndamio mu fyīnja ifi fikīndilepo, bule ulwēne? Ulwēne lutisa kangi mma. Bukaga, itikaga ikyene. Kyalala akusaye ugwe. Yaga mbumbulusigwe.

¹⁸⁴ Ugwe ubagile, nūgwe, ulwānda lwako lubumbulusigwe. Bukaga, itikaga ni ndumbula yako yosa. Komma ukwilamwa.

¹⁸⁵ Uli na kabalilo akakafu ukutūya, yula ugwaiyolo asima nalōli ikukutwāla ugwe pāsi, bule ikyēne? Ngimba ugwe kwitika ikyene kisakubombigwaga lilino? [Unkundwe ikuyoba, “Ena.”—Nsimbi] Umma ndaga, bukaga itikaga ikyene. Ameni.

¹⁸⁶ Aleluya! Ngimba ugwe kwitika ni ndumbula yako yosa?

¹⁸⁷ Itolo pakabalilo. Ngimba umwe mutikububona u Bwelu bula pala? Unkikulu unnini ugwakititu ikungeta une, itugesye papapa pasi apa, umwene ali nu kukula pa lubafu lwake ulwakukīmama. Umwēne ali nu lutamio lwa figo, ubutolwe. Ugwe uli nu lwītiko lwīngipo. Ugwe utikufimbilisigwa ukwisa kuno. Ikyene kimalike. Itika itolo ikyene. Ameni. Yaga nu lwitiko mwa Kyalala!

Ngimba ugwe kwitika ikyo?

¹⁸⁸ Ngimba ugwe kwitika, kalumbu, ugwe kwisakusōkamo mu lutamio lwa lukōngolomia lula, gwitūgēsye pala? Ngimba ugwe kwitika ukuti Umwene ikukupelaga ugwe uyege kanunu? Popapo. Itolo komma ukwilamwa ikyene, kangi ugwe ubagile ukuya nakyo ikyene linga ugwe itolo kwitikaga ikyene.

¹⁸⁹ U nnyambala itugesye apa, ikukéta kwa une, ukukubilwa nu lutamio lwa kubunyambala, ukusumuka pa kilo ni findu. Ngimba ugwe kwitika, nkulumba? Ikyene kikuyaga kimalike, polelo, linga ugwe kwitika ikyene.

¹⁹⁰ Apa itugesye u nnyambala gwa langi itugesye ukukilania apa, ikungeta une. Umwene ikukubilwa ni fisilisi. Umwene kangi ikulonda u losyo lwa Mbepo Mwikemo. Imilila pa malundi gako, nkulumba, itikisya ububumbulusyo bwako. Kyalala alikupaga ugwe ulosyo lwa Mbepo Mwikemo. Ameni.

191 Itugesye palapala ukukilania ukufuma kwa ugwe, alipo u mwāna itugesye ukukilania kula, uyu yōpe ali ni fisili, mu luko lwa kusilika ukugwa, itūgèsye pānja pala, ukukilania pa lubafu ulūngi. Ngimba ugwe kwitika ukuti Kyala isakupelaga u mwāna ukuya kanunu, apo? Ngimba ugwe kwitika ni ndumbula yako yosa? Polelo Kyala ikubumbulussyaga umwanike.


192 Ngimba umwe mukwitika, aligwesa gwa umwe? Ngimba—ngimba Umwene akaya Umwene—ngimba Umwene akaya gwabwanaloli Luyungu lwa Abraham Lwabunyafyale? Ngimba Umwene akaya Mponjoli Gwamaka? Ngimba Umwēne āfīngile ukuti ugwe gwābagile ukupoka ifipata fya ndugu?

193 Balinga ba umwe mupinyigwe, bikwipilika u bubīndikisye bwa ndugu? Fyusya ifiboko fyinu, ukuti umwe mukwipilika ububīndikisye bwa ndugu, kangi umwe mwe Luyungu lwa Abrahamu, fyusya ikiboko kyako bo *ulu*. Yoba, “Nkundwe Branham, une ngutamigwa nu lutende.” O, balipo kifuki malongo lwele mwa mia yumo gwa umwe na ikyo. Yoba, une. . . Ikyēne kyo itolo kisito fīyo lilino, ikilūndilo kyōsa kyo itolo kikwisa ukuya ngati ulukulumba ulunywāmu ulupyū, ikyene kyo kifuki kikumbela une ukuya mfwamaso, panja pala kūko umwe muliko.

194 Ngimba umwe mutikukibona, ukuti apa malongo mabili pamo malongo matatu, lumo, inongwa, pamo ukongelelāpo, papapa apa pa kigemo iki na panja nkilundilo kila, ukuti Kyala atikutoligwa? Umwene yo Yeso Kristi yulayula mmayolo, umwisyugu, na bwilanabwila. Ngimba umwe mukwitika ikyo? [Ikilundilo kikuyoba, “Ameni.”—Nsimbi] Polelo nongwa ya fiki, u Luyungu lulilosa lwa Abraham, nongwa ya fiki umwe mutikwēga ifūngulilo lilino? U Mponjoli unkulumba, uyu āponjwile ikyene kuli ugwe, ali apa. Umwene asisimikisye ukuya apa. Ngimba ugwe kwitika Umwene?

195 Polelo ega ifūngulilo yāko ya lwītīko, fikilāga mmwanya na maboko gīnu, nukuyoba, “Yeso Kristi, une ngwitika kuli ububumbulussyo bwangu, papapa lilino.” Imilila pa malundi ginu. Fyusya ifiboko fyinu, ukwīgūla u lwītīko lwāko lilino. “Une ngwitika, Ntwa Yeso. Une ngwitika lilino papapa.”

196 Lilino bika amaboko ginu pamwanya pa yumo nu nnine. Bika amaboko ginu yumo kunnine, u Luyungu ulungi lwa Abraham. Lilino ugwe gwiputilege u mundu yula. Bika amaboko ginu pa bene. Yeso aatile, “Ifimanyilo ifi fisakukongaga abene aba bikwitika. Linga abene bikubika amaboko gabo pa babine, abene bisakubumbulukaga.”

197 Sētāno, ugwe utōligwe ubwīte. Mu Ngamu ya Yeso Kristi, sōkāmo ukufuma apa, kangi unko abāndu aba babūkēge, ku lwīmīko lwa Kyala. 

64-0207 U Mweneluyùngu Abrāhàmu
Fibanjafinunu Fya Kiyabo Kya Kern
Bakersfield, California U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org